

**IX'ATSUCUNTI JU
UCXTIN DAVID**



**IX'ATSUCUNTI JU
UCXTIN DAVID**

La vida del Rey David

Tepehua de Huehuetla



La Liga Bíblica

Las Sagradas Escrituras para Todos

Las ilustraciones son propiedad de ©1978 David C. Cook Publishing Co.,
usadas con el permiso correspondiente.

Primera edición
La vida del Rey David
Tepehua de Huehuetla
tee 06-007 1.5C

©La Liga Bíblica, A.C., 2006
México, D.F.

Prólogo

El Antiguo Testamento es un conjunto de libros que se presenta como una de las dos secciones de la Biblia. Estos libros cuentan cómo se relacionó Dios con la gente hace mucho tiempo. Esos libros fueron escritos por israelitas, y hablan mayormente de la relación entre Dios y la gente israelita. Todos ellos fueron escritos hace más de dos mil años, durante un período que abarca unos mil años.

Este libro relata algunos eventos descritos en el Antiguo Testamento. David fue el segundo rey que Dios puso sobre la tierra de Israel.

Con el propósito de que este libro no fuera muy extenso y de difícil lectura, no se incluyó todo lo que contiene el Antiguo Testamento acerca de la vida de David. Después de haber leído este libro, le recomendamos leer por completo los libros 2º de Samuel y 1º de Reyes. Estos libros son el décimo y el undécimo del Antiguo Testamento.

Ix'atsucunti ju Ucxtin David

Ju lacaMak'ania Ats'oknut ahiqui, na tijlhu lac'alhiqui ju lacts'okcanta. Pus ju ani alhiqui ix'ac'lhtam ts'okcanta ju tuchi ts'okcanta ju lacaBiblia. Chai ju laca'ani lac'alhiqui ts'okcanta tas ix'alacput'achivinini ju Dios ju lapanacni ju na mak'anchich. Pus ju ani lac'alhiqui israelitanin ju talacts'okta. Pus ixlacatach tas ix'alact'alaich ju Dios ju israelitanin ju lhichivininta.

Chai ca tapasatach lakat'ui milh c'ata ju xats'ojk'ocan ju ani alhiqui. Para ju ali' lac'alhiqui palaich na mak'anch ju xats'okcan.

Ju alhiqui ch'ap'at'a laminmaca' najunta ixlacata ju ali' lactaxtokni ju tuchi ts'okcanta ju lacaMak'ania Ats'oknut. Ju David yuchach ju ixlhipumat'ui ucxtin lhca'ula ju Dios ju xalacat'un Israel.

Para alin atumpa taxtokni ju jantu ts'okcanta ju laca'ani alhiqui, ni palaich jantu na va k'elhtank'ai cava. Pus ju chunch palaich jantu na va lhixcai ixt'achiviniinca lhiulacan. Pus iclalthimap'aksiyau ju tichi alakts'ina'it'it ju ani alhiqui, acsni alakts'ink'oya'it'it tasq'uini ni alakts'ink'ot'it ju alhiqui ju juncan segunda de Samuel chai ju primera de Reyes. Pus ju ani lac'alhiqui ixlhi'akxcau (10) chai ixlhi'akxcautam (11) alhiqui ju ts'okcanta ju lacaMak'ania Ats'oknut alhiqui.

9. Ju David ixlhipumat'uich ucxtin lhca'ulacanta ju ix'ucxtinch'an cajuna' ju ixt'a'israelitaninch Ixtamalakachan ju Jesús 13:21-22 Israelitanin 11:32-34

10. Ju Dios navini lakatam ak'elhtasunti ju David Mateo 1:1; 9:27; 12:23; 22:42 Marcos 10:47-48; 11:9-10; 12:35 Lucas 1:26-33; 1:69; 2:4; 2:11; 3:23-31; 18:38-39; 20:41 Xivan 7:42 Ixtamalakachan ju Jesús 2:30; 7:45-46 Roma 1:3 2 Timoteo 2:8

11. Ju ucxtin David alactu'unun chai ju Dios mac'acxani Mateo 1:6

16. Ix'aninti ju ucxtin David Mateo 1:6

Sumario

Ali' ats'oknut ju ts'okcanta ju lacaSast'i Ixchivinti Dios ju tuchi tapasalh ju ts'okcanta ju lacaMak'ania Ixchivinti Dios

1. Ju israelitanin tatai'ulai ixmalaclaca ju ixlaclhamap'aksin ju Dios
Ixtamalakachan ju Jesús 13:20-21
2. Ju Dios lhca'ulai ju David ni sast'i ucxtin cava ju israel
Mateo 1:16
Ixtamalakachan ju Jesús 13:21-22
Israelitanin 11:32-34
4. Ju David makni pumatam taropa filisteo ju na putank'ai junita
Israelitanin 11:32-34
6. Ju David ast'alhni ju ucxtin Saúl chai ju lapanacni tat'atach'anxtami
Mateo 12:3-4
Marcos 2:25-26
Lucas 6:3-4

1. Ju israelitanin tatai'ulai ixmalaclaca ju ixlaclhamap'aksin ju Dios
(maxtucanta ju lacaJueces 1:1-3:6; 1 Samuel 1-15) . . . 1
2. Ju Dios lhca'ulai ju David ni sast'i ucxtin cava ju Israel
(maxtucanta ju laca 1 Samuel 16:1-13) 4
3. Ju David laka'asanan ju ucxtin Saúl
(maxtucanta ju laca 1 Samuel 16:14-23) 6
4. Ju David makni pumatam taropa filisteo ju na putank'ai junita
(maxtucanta ju laca 1 Samuel 17:1-18:5). 7
5. Ju ucxtin Saúl t'alatalhk'amni ju David chai makniputun
(maxtucanta ju laca 1 Samuel 18:6-20:42) 10
6. Ju David ats'alhni ju ucxtin Saúl chai ju lapanacni tat'atach'anxtami
(maxtucanta ju laca 1 Samuel 21-23) 15
7. Ju David pakt'ui ju jantu makniputun ju ucxtin Saúl
(maxtucanta ju laca 1 Samuel 24-27) 18
8. Ju ucxtin Saúl chai ju ists'alan lacalakatam lasat ju talacni
(maxtucanta ju laca 1 Samuel 28-31; 1 Cronicas 10) 24
9. Ju David ixlhipumat'uich ucxtin lhca'ulacanta ju ix'ucxtinch'an cajuna' ju ixt'a'israelitaninch
(maxtucanta ju laca 2 Samuel 1-6; 8-10;
1 Crónicas 11-16; 18-20; 26:29-27:34) 27

10. Ju Dios navini lakatam ak'elhtasunti ju David (maxtucanta ju laca 2 Samuel 7; 1 Crónicas 17)	33
11. Ju ucxtin David alactu'unun chai ju Dios mac'acxani (maxtucanta ju laca 2 Samuel 11–12)	36
12. Ju Absalón tai'iniputun ju ixpu'ucxtin ju ixpai, David (maxtucanta ju laca 2 Samuel 11:3; 13–15; 23:34)	39
13. Ju Dios navi ni cats'ank'a ju ixlak'aiti ju Absalón (maxtucanta ju laca 2 Samuel 16–20)	43
14. Ju ucxtin David mak'aixt'oka ju ixpunavican ixpujitat ju Dios (maxtucanta ju laca 2 Samuel 24; 1 Crónicas 21:1–26:28; 28:1–29:22a)	47
15. Ju ucxtin David na lhu milhpat lacts'ok'a ju ixpulak'ayacan ju Dios (maxtucanta ju laca 2 Samuel 22–23; 1 Crónicas 16; Salmos 18; 96; 105:1-15)	51
16. Ix'aninti ju ucxtin David (maxtucanta ju laca 1 Reyes 2:1-12).	53
Ali' ats'oknut ju ts'okcanta ju lacaSast'i Ixchivinti Dios ju tuchi tapasalh ju ts'okcanta ju lacaMak'ania Ixchivinti Dios	54

“Ju quints'alan chai ju quin'amachaka' lana k'ox talhilaksi ju Dios. Pus ju Dios quint'anavita lakatam atak'oxinti ju jantu tavanan cati'aclalh.

“Ju jantu taquiclaca'i ju Dios lana jantu tu'u' talhitapalai. Chunch tajunita tach ix'acatan q'uiiu ju na laca'alhtucunulata. Pus lanach jantu talacach'apaputun ju lapanacni la'ixmaca'an. Pus lanach va saknatq'uiiu lhitapalai.”

Ix'aninti ju ucxtin David

(maxtucanta ju laca 1 Reyes 2:1-12)

Ju ucxtin David ixc'atsaich ni jantuch na mak'an catitsuculh caniyach. Ju acsnich xtaknilhch ju vayuchach ix'amap'aksinti ju ists'alh juncan Salomón, ni yuchach ju sast'ich k'ai ucxtin cajuna'. Pus chinich junilh:

—Ju quit'in ijc'atsaich ni jantuch na mak'an actitsuculh acniyach. Pus tasq'uini ni lana jok'at at'ai. Jantu tu'u' at'alhonin. Ni vatach aq'uiclac'a'iyach ju ixlaclhamap'aksin ju Dios, vatach k'oxich a'ucxunts'uc'uya'. Pus ni aq'uiclac'a'iyach ixlhichux min'alhunut, ju Dios camuctaxtuya' ju tuchi quink'elhtasunita. Ju Dios quinjunita ni vatach cata'ucxtinitolach pumatam quints'alh ju xalacat'un Israel.

Vachu' lhimap'aksi ni camamak'alhk'ajni ju Joab, ni va ix'alacmaknitach ju ix'ucxtinin'an ju taropajni ju ix'alacjuncan Abner chai Amasa.

Pus acsni xani ju ucxtin David 40 c'ata ixta'ucxtinivi ju xalacat'un Israel. Chai yuchach ju ists'alh ju juncan Salomón ju tailhi'alh ixpu'ucxtin. Pus ju yuch lana k'ox k'ai ucxtin va chai lana k'ox lak'amispacalh. Pus Dios ju xanavi ni chunchach ju ca'uctaxtulh.

“Pus chunchach ju acpuxtakniya' lak'ailakts'iuch ju Dios chai acmilhpaniya' chux ju c'ata ju actsucuya'.”

Milhpat ju na camak'ank'achan

Ju ucxtin David lak'oxichokolh alakatam milhpat ju avilhchan acsni talhicha'alh ju salaka p'aklat ju xalak'achak'an Jerusalén. Ju yuch milhpat va ixpulak'ayacan Dios ju lhinavi. Yuch ju ani chivinti ju ixnajunta ju lacamilhpat:

“Caxtakniu lak'ailakts'iuch ju Dios. Chai ca'alacjunau ixchux'an ju lapanacni ju tuchi xanavi ju yuch. Pus na camilhpaniu ju ixpulak'ayacan ju Dios. Chai capastacvi ixlacata ju lack'ai lhamak'an ju navita ju yuch.

“Ju Dios jantu xac'ap'a ju ix'alack'elhtasunita ju mak'aniya lapanacni ju ix'alacjuncan Abraham, Isaac chai ju Jacob. Ju yuch ix'alack'elhtasunita ni ca'alacxtakniya' ju xalacat'un Canaán ju ixlac'apapanatni'an, pus quijnanch'an ju xaquintaxtakniyan.

“Pus ca'alacjunau chux ju lapanacni ni Dios ju xanavik'ojui chux ju lacamunutpa'. Chai ju ixdios'an ju talak'ayai ju yu'unch va si lacsantu q'uii ju jantu tu'u' lai tanavi.

“Chux ju xalapanacni lacamunutpa' chach talak'aya ju Dios ni yuchach ju xanavik'ojui chux ju ixlhilacaputs'un ju lacamunutpa'. Pus ixchux'an chach vatach talak'ayalhch ju Jehová. Pus yuchach ju Dios ju lak'ayayau ju israelitanin juntu.”

Yuch ju ixmilhpai acsni na papach ixjunita ju David

Acsni jantuca' ixni ju ucxtin David lak'oxichokopa alakatam milhpat. Chai ju yuch milhpat chini ixnajunta:

“Ju quit'in icDavid, yuch ju lapanac ju xasacstui Dios ni xa'ucxtin Israel cava. Pus ju quit'in icmilhpani ju Dios. Ju Ispiritu Dios quinxtakni ju chivinti ju tuchi icnajun.

“Ju Dios najun: ‘Ju tam ucxtin ju lacak'ox lhamap'aksin alakts'in ju lapanacni ni va talhoni ju ixlaclhamap'aksin ju Dios, na alacmak'ank'achai ju lapanacni.’

“Ju lapanacni lana k'ox talhek'achan, tach ju lana k'ox c'us atuncunu' jun acsni tapasatilatach ju k'olhanaxcan. Chai chunch tasui tach acsni mapulhcuí ju avilhchan la'ix'ucxni ju na lakakajuta ach'itin.

Ju israelitanin tatai'ulai ixmalaclaca ju ixlaclhamap'aksin ju Dios

(maxtucanta ju lacaJueces 1:1–3:6; 1 Samuel 1–15)

Ta'alactu'unun ju israelitanin

Acsni ixtanitach ju Josué chai ixchux'an ju ixtalakts'intach tas ix'alacpu'aklhtaijutach ju Dios, ju israelitanin ixtai'ica ju xalacat'un Canaán. Pus ju ixlacts'alanch'an tatsuculhch malaclanin ju ixlaclhamap'aksin ju Dios.

Ju acsni jantuca' ixtatai'ik'ojui ju lak'achak'anixni junta ixtalacvilanah ju cananeonin. Pus jantuca' ixtalacmaknik'ojui ju lapanacni ju anchach ixtavilanah. Pus lanach jantu tanavi talakmask'atin ixtai'ica ju ali' lak'achak'anixni.

Alaich va tatsuculh lact'atak'oxinin ju anchach ixtavilanah cananeonin. Chai tatsuculhch ach'inin ixlacata ju ixlacat'un'an ni catasulhch ni israelitaninch ju ixtalhinajun ju anchach lacat'un. Pus ju ali'inch cananeonin taitailhi'alhch ixtolaca junta xalacat'unch xajun Israel ju chavai.

Ju israelitanin lanach tatai'ula ixlak'ayaca ju jantuch istavasalanti dios ju ixtalak'ayaich ju cananeonin. Chai vachuch tatsuculh lact'atamak'axtoknin ju xa'atsi'in cananeonin.

Ju Dios alactalhk'amni ju israelitanin

Ju acsnich ju Dios lana k'ox alactalhk'amnilh ju israelitanin ni va jantuch ixtaquiclaca'ita ju tuchi ix'alacjunitach. Ju Dios ix'alacjunita ju israelitanin ni catalacmaknik'oya' ixchux'an ju cananeonin. Vachu' ix'alacjunita ni jantu catitalact'atamak'axtoklh ju yu'unch. Nin yuch ni catalact'anavi tu'u' atak'oxinti. Chai vachu' ix'alacjunita ni jantu tavanan cataclak'aya ju jantuch istavasalanti dios.

Pus ixlhiyuchach ju Dios alaclhimalakachanilh pumatam ix'anquilh. Ju anquilh va ca'alacjunilhch ni jantuch cati'alac'aklhtaiju ju Dios ix'alactamacxtuca ju cananeonin ju tavilanah ju anch lacat'un.

Vachu' chini alacjunilh ju anquilh:

—Ju Dios ca'amalakachaya' ju cananeonin ix'alakts'intanuca ju israelitanin ni vasalh talhilaksi ju istavasalanti Dios u jantu.

Pus ju acsni ju israelitanin catalacmak'alhk'ajnanach ixlacata'an ju cananeonin.

Pus ju israelitanin lanach k'ox talac'amak'aninilh acsni xatak'esmat'ach ju ani chivinti. Chai talacmaknilhch ju ali' lac'atapacxat tach ju va ixlhak'ailakts'intich tanavinilh ju Dios ixlacata ju alactu'unti.

Ju israelitanin tatali' alh ixtolaca ju xalacat'un Israel vanin junta ixtavilanalh ju cananeonin. Ju cananeonin anchach lacat'un ju mak'ania ixtavilanalh. Pus ju acsnich ju israelitanin vachuch ixtalak'ayai ju aktamixnin ju ixdios'an ju cananeonin. Para ju yu'unch jantu istavasalanti diosnin ixtajunita. Chai vachu' tatali' alh ix'alact'atamak'axtokca ju cananeonin.

Ju ixchivinti Dios vatach uctaxtuich

Ju acsnich uctaxtok'o chux tach ju ix'alacjunitach ju Dios. Pus ju ix'alact'alaxcai'an ta'alhajanalh ju lalacalat chai lanach k'ox macxcai alaclakts'incalh ju israelitanin.

Pus acsni na ixtat'ajunch mak'alhk'ajnin aktam tat'achivincho kopa ju Dios chai tasq'uinichokopa ix'aklhtaijunti. Pus ju acsnich ju Dios alacmalakachanilh pumatam lacat'icst'i uctin ni yuchach ju ca'alac'aklhtaijuya'.



Ju filisteonin tat'alasaputun ju israelitanin

tuncunchokolh na lhu lac'atapacxat ju talacmakni tach ju va ixlhak'ailakts'intich ju Dios. Chai tanavi lakatam k'ai c'atan.

Ju ucxtin David na lhu milhpat lacts'ok'a ju ixpulak'ayacan ju Dios

(maxtucanta ju laca 2 Samuel 22–23; 1 Crónicas 16; Salmos 18; 96; 105:1-15)

Ju David na lai ixpu'asanan ju lhisn. Pus na ixk'achani ju ix'asanti, ixmilhpat chai vachu' ju ixlak'oxica ju milhpat chai ju poesías.

Ju ali' poesías ixlak'oxi va ix'alacpulak'ayacan ju talacnitach lapanacni chai ju ali' ixpulak'ayacan ju Dios.

Milhpat ju tapuxt'ak'a lak'ailakts'iuch

Pus chini ixnajunta ju milhpat ju ts'oklh ju David. Chai ju yuch va ixpuxtaknican lak'ailakts'iuch ju Dios ixlacata ni ixmak'elhtaxtutach ju la'ixmacni ju ucxtin Saúl.

“Dios ju quinlhst'ac'a chai yuch ju quinmak'elhtaxtui. Pus minchux'an alak'ayak'ot'it ju Dios. Ju quit'in vatach acsq'uiniyach ju a'aklhtaijunti acsni ca'alina' ju quinlhamak'an. Chai ju yuch vatach aquin'aklhtaijuyach.

“Acsni lanach xaquintamakniputun ju quin'alact'alaxcai, icsq'uinilh ju Dios ni aquin'aklhtaiju. Ju yuch quink'esmatnilh chai alactalhk'amnilh ju quin'alact'alaxcai. Pus ju acsnich quinquimak'elhtaxtuchilh ju la'ixmacni'an ju quin'alact'alaxcai, mas na lactachapunin ixtajunita.

“Pus ju Dios ixc'atsai ni jantu ixpulhijun ni chunch ju aquintamamak'alhk'ajni tach ju xaquintat'ajun lhimakchapunin, ni vatach ijquiclaca'itach ju ixlaclhamap'aksin ju Dios, chai ixlhiyuchach xaquinli'aklhtaijuich.

“Ju Dios akts'iya chunch junita. Ju yuch na k'ox alaclakts'in ju lack'oxin lapanacni chai alacmamak'alhk'ajni ju alactu'unin. Pus ju yuch vasalh lana k'ox xaquin'aklhtaijui.

“Pus chux ju tuchi past'ac'a ixnavica ju Dios si soknic'a. Chai alaclhist'ac'a chux ju talhilaksi ju yuch. Ju yuch quin'aklhtaiju ix'alact'alalhajaca ju quin'alact'alaxcai.

Vachu' chini junilh ju Salomón:

—Ju chavai ju uxint'i ji Salomón, tasq'uini ni alak'ayat'ich ju Dios ixlhichux ju min'alhunut. Pus ap'ast'act'ich. Ni vatach alak'ayaya'ich chai ni aq'uiclac'a'iya'i ju Dios, yuch ju camasuniyan tijuch ju anaviya'. Chai ap'ast'act'i ni yuch ju xasacstuyan ni uxint'i ju ayoniya' ju ixpujitat. Pus lana p'as alhilaksit'i ju Dios chai anavit'i ju llich'alheat.

'Pus minchux'an ji israelitanin, ju uxijnan alhat'alaninint'it ju ixlaclhamap'aksin ju Dios chai aq'uiclac'a'it'it ni laich at'olhk'alhit'it ju xalacat'un Israel.

Ju ucxtin David alacjunilh ju ixlapanacni ni cata'aklhtaiju ju Salomón ni va ts'alhca' ixjunita. Chai ni vachu' lana k'ox c'us cajuna' ju pujitat. Pus alacjunilh tas malhch lactaxtokni ju lacmak'aixtokta ixlacata ju pujitat. Para ju ixtalhavat ju lactaxtokni ix'anu' ix'akstu ixjunita. Chai vachu' alacjunilh ni yu'unchach ju catayaulh ju pujitat. Pus na lhu ju ixlhiyu'unch ju chunchach xatanavi. Pus ju ucxtin David lanach k'ox lhek'achalh.

Ju ucxtin David t'achivinini ju Dios

Ju acsnich ju ucxtin David t'achivinilh ju Dios la'ix'ucxlacapu'an ju ch'alheatnin chai chinich junilh:

—Pus ji quinDios, ju uxint'i lana k'ox k'ai'at chai na lai navi ju k'ai lhamak'an. Pus chux ju lactaxtokni ju alin ju ani lacamunutpa' sich minlac'anu'. Chai uxint'i ju lai quinlaxtaknik'oyau chux ju tuchi icmaktasq'uiniyau. Pus ju quijnan va yuch ju lai iclaxtakniyau lacats'unin ju tuchi quinlaxtakniyauch.

'Ju uxint'i misp'ai ju qui'alhunut quinc'an chai lac'asq'uin ni lack'oxin lapanacni acjumvi. Ju uxint'i c'ats'ai ni lacak'achat xacxt'ak'a chux ju ani lactaxtokni ixlacata ju mimpujitat. Chai vachu' chunch tanavita ju ani tavilanalh lapanacni. Pus aquinla'aklhtaijuch minlak'ayaca tus va tavananch ni laich lacak'achat ju acnaviu.

'A'aklht'ai'ut'ich ju Salomón ni laich calaca'i ju minlaclhamap'aksin chai ni laich cayaulh ju mimpujitat.

Ju acsnich ju ucxtin David alacjunilh ixchux'an ju lapanacni ni cataxtaknilh lak'ailakts'iuch ju Dios. Pus ixchux'an tata'aktok'otanilh ixtaknica lak'ailakts'iuch ju Dios. Pus acsni

Pus chux ju c'ata ju ixtsucui ju lacat'icst'i ucxtin yuchach ju ixtalak'ayai ju istavasalanti Dios. Para acsni ixnich ju ucxtin ixtatsucuchokoich lak'ayanin ju jantuch istavasalanti dios. Na lakalhu c'ata ju chunchach ixtatailhi'anta.

Ju israelitanin tasq'uin ju k'ai ix'ucxtin'an

Acsni na mak'anch xajun tasq'uinlich vachu' ju k'ai ix'ucxtin'an tach ju ixtapaxantach ju alich lak'achak'anixni. Pus ju ixlhi'ap'ulhnan ju Dios jantu ixti'axtakniputun ni yuchach ju k'ai ix'ucxtin'an junita.

Para ni va tsa tsa ixtajunich ju lacat'icst'i ucxtin ixjunita ju tichi Samuel ixjuncan, ju acsnich ju Dios junilhch ju Samuel ni ca'axtakniyach ju k'ai ix'ucxtin'an ju israelitanin.

Ju p'ulhnan k'ai ucxtin lhca'ula yuchach ju tichi Saúl ixjuncan. Pus ju ani lapanac lana k'ox quiclac'a'i ju Dios acsni tai'ula ju ixpu'ucxtin. Para acsni mak'anch va tach ju va lhilaksichokocalh ix'akstu ni na va ixt'ajunch aklhtaijunu' ju Dios.



Ju Samuel lakpaxtek'emuc'ai ju aceite ju Saúl ni ucxtinch cava

Ju k'ai ucxtin malaclai ju ixlhamap'aksin ju Dios

Ju Dios junilh ju lacat'icst'i ucxtin ju juncan Samuel ni va jantuch ixquiclac'a'inita ju ixchivinti ju tuchi ixjunitach ju ucxtin Saúl. Chai ni na ix'amak'anininch ni ix'akstuch ju ixlhca'ulata ju ixpu'ucxtin ju Saúl. Chai vachuch junilh ju Dios ju Samuel ni jantuch catimoconilh ni catailhi'alh ju ixpu'ucxtin ju Saúl.

Ju Samuel lanach k'ox amak'aninilh vachu' ni junicalh ni jantuch catitailhi'alh ju ixpu'ucxtin ju Saúl. Para ju Dios junilh ju Samuel ni alinchokoi apumatam lapanac ju lana na k'ox caquiclac'a'iya' ju ixlaclhamap'aksin.

Ju Dios lhca'ulai ju David ni sast'i ucxtin cava ju Israel

(maxtucanta ju laca 1 Samuel 16:1-13)

Ju lakatam avilhchan ju Dios junilh ju Samuel ni jantuch na va calhamak'aminilh ju tuchi ixtapasata ju ucxtin Saúl. Chai junilh ni ca'alh lacpamuc'ana' ju aceite apumatam lapanac.

Pus chunchach ju capumispacana' ni yuchach ju sast'i ucxtin cajuna'. Pus laxalak'achak'an Belén ju malakacha. Chai junilh ni pumatam ists'alh ju Isaí ju calacpamuc'aya' lacats'unin ju aceite. Ju yuch ixpapanti ixjunita ju Judá.

Pus ju acsnich ju Samuel alhch ju anch xalak'achak'an. Acsni lakts'ilh ju xak'ai ists'alh ju Isaí pastaclhch ni yuchach ju ixpuxcaju ju Dios. Pus ju yuch lana k'ox putank'ai chai na c'usi ixlakts'inca ixjunita. Para ju Dios chinich junilh:

—Jantiyu' mas na putank'ai cava u na c'us cava ju yuch, para jantiyu'. Ju lapanacni va yuchach ju lai talakts'in ju ixlacatuna ju tam ixt'alapanac'an. Para ju quit'in ix'alhunut ju lai iclakts'ini tas junitach. Pus acsnich ju lai icsacstui.

Ju acsnich ju Isaí alact'asanilh ju ists'alan chai pumatamin pumatamin tachinchalhch. Para ju Dios junilh ju Samuel ni jantu xamati' ju sia yu'unch ju ixscastuta.

Pus ju acsnich ju Samuel sacmilhch ju Isaí ni matich ali'in ists'alan ixjunita. Chai ju Isaí junilh ni ix'alín apumatam ju palai na xalacat'icst'i ju tichi David ixjuncan.

Para ju yuch lacacuxtu ixt'onacha laclhistacna' ju ixlajcalhnilu.

Ju acsnich ju Samuel junilh ni ca'ancalh t'asaninica ju yuch. Chai acsni chinchalhch ju David, ju Dios chinich junilh ju Samuel:

—Yuchach ju ani ya ju icsacstuta. Alacp'axt'ek'emuc'ach ju aceite.

Ju acsnich ju Samuel lacpaxtek'emuc'alh ju aceite ju David. Pus ju ix'alak'avin ixchuxch'an ju ixtat'ajun lakts'inin ju tuchi ixt'ajun tapasana'.

ju ixlacts'alan'an ju palijni, pus talalhislahlich tas catalhich'alhcatnanach ju lacapujitat.

Ju David t'achivinin ju Salomón ixlacata ju pujitat

Ju ucxtin David t'asanilh ju ists'alh ju juncan Salomón. Chai junilh ni yuchach ju catailhi'ana' ju ixpu'ucxtin. Chai yuchach ju cayoniya' ju ixpujitat ju Dios.

Vachu' junilh ni jantu ixmoconita ju Dios ni yuch ju cayaulh ju pujitat ni va taropa ixjunita. Chai na lhu lapanacni ju ix'alacmaknimak'anta. Para ixjunita ni na k'ox cach'alhcatnana' ju ists'alh juncan Salomón. Chai yuchach ju cayoya' ju pujitat.

Ju ucxtin David junilh ju Salomón ni cayaulich ju pujitat chai caquiclaca'ilhch ju ixlacclamap'aksin ju Dios. Chai vachu' junk'o ixlacata chux ju lactaxtokni ju ixlacmak'aixtoktach ixpuyocan ju pujitat. Pus ixmak'atach ju si lack'oxi tsasnat tach ju oro, plata, bronce, hierro, q'uiui chai ju lacchiux ju na laklhu ixlactapalhni.

Vachu' mak'axtaknilh ju alhiqui junta ts'ok'ulacanta tas cajunach ju pujitat. Chai tas cajunach ju ixmakspa' ju ixtalakachoko. Chai junilh tas ca'alacilhvakpitsiniyach ju ixlhich'alhcat'an ju levitanin chai ju palijni. Chai vachu' junilh ni Dios ju ixtaknita tas calhinavianach ju pujitat chai tas calhilhvapkitsicanach ju lhich'alhcat.

Ju David alacjuni ju ixch'alhcatnin ixlacata ju pujitat

Acsni mak'anch xajun ju ucxtin David alacjunilh ju ixlapanacni ni cata'aklhtaiju ju Salomón ixyajuca ju pujitat. Pus alacmak'aixtojk'o ixchux'an ju xalak'achak'an Jerusalén chai chinich alacjunilh:

—Ju quit'in xacpastacta ixyajuca akatam ixpujitat ju Dios. Chai na lhu xacmak'aixt'ok'a ju lactaxtokni ju tuchi lactasq'uiui ju ixlhinavian. Mas ni chunchach ju xacnavi, ju Dios quijunilh ni jantu lacasq'uin ni quit'in ju acyaulh. Pus ju jantu xapulacasq'uin yuch ni va taropa icjunita ju quit'in.

'Dios ju xaquín'ulai quimpu'ucxtin ju xalacat'un Israel. Chai yuch ju xasacstui ju quint's'alh Salomón ni yuchach catailhi'ana' ju ixpu'ucxtin chai yuch ju cayoya' ju pujitat.

Ju Dios naulh ni vatach ix'apapanatnich ju Salomón ju catatailhi'ana' ju ixpu'ucxtin'an ni cataquiclaca'ilhch ju ixlacclamap'aksin ju Dios.

Ju acsnich ju Dios macamilh ju jipi ju la'ix'ucxni junta ixjuc'alh ju atapacxat chai laxxava ju lhak'ailakts'inti. Chai junilh ju anquilh ni camak'alhch ju ix'espada ju laxa'axt'ak'an. Chai jantuch xamati' camaknichokolh.

Ju David lak'asimamai ixlacata ju ixpuyocan ju pujitat

Ju acsni avilhchan ju ixyajuta lonachaka' ju Moisés xalak'achak'an Gabaón ixtalhitajuyacha. Ni va ixtalhananch ju David ix'anca acsni ixmachilh ju tak'enk'at, pus ixlhiyuchach lhinavilhch lakatam tach mixa ju ixpuxtaknican lhak'ailakts'inti ju Dios ju xalak'achak'an Jerusalén.

Ju acsnich ju ucxtin David chinich naulh:

—Ju ani lacat'un junta xacyajui ju ixpuxtaknican ixlhak'ailakts'inti ju Dios anchach ju cayoya' ju ixpujitat Dios ju quints'alh.

Ju Dios ixjunitach ju ucxtin David ni jantu yuch catiyonilh ju ixpujitat para ju ucxtin David na ix'aklhtaijuputun ju ists'alh ixyajuca.

Pus ju yuch tai'ula ixmak'aixtokca ju tuchi calactasq'uiniya' ju ixpuyocan. Ju lapanacni ju va ixtachintacha ju xalak'achak'an Jerusalén tsuculh alacmalak'oxinini' ju chiux ju xak'exich cajuna'. Pus na lhu ju mak'aixtoklh ju si lack'ox tsasnat, chai ju q'uiu ju sich p'ucsnich.

Vachu' alacmak'aixtoklh ju palijni chai ju levitanin. Pus ju levitanin alaclhvapkitsilh ju quilhmactamin ni tijtaminch ju ixlhich'alhcat'an ju axtaknilh.

Pus ju quilhmactam va ixtapulacxacai chai ixtapulaclak'oxi ju lonachaka'. Vachu' yu'unch ixtalak'oxi ju xalhak'ailakts'inti ju xatoc'at ju ach'ananti.

Ju aquilhmactam va ixtalhist'ac'ach ju lhich'alhcat. Chai ju quilhmactam va ixtalhist'ac'ach ju xamalhtich junta ixputanucan ju lalalonachaka'. Chai ju quilhmactam ixtapu'asanan ju lhisan ixpulak'ayacan ju Dios.

Pus ju alacpuxtaknilh ju David ju ani lhich'alhcat yuch ni jantuch va lacatam, lacatam catalhimucuntsucuya' ju pujitat tach ju p'ulhnan ixtanavi. Para catatailhi'ana' ix'alac'aklhtaijuca ju palijni.

Ju acsnich lanach k'ox lhu ixtat'ajun ju ix'apapanatni ju Aarón. Pus quilhmacp'uxamt'at'i (24 grupos) ixtajunita



Ju Samuel lakpaxtek'emuc'ai ju aceite ju David ni yuchach ju ixlhipumat'ui xa'ucxtin ju Israel cajuna'

Pus ju David lana k'ox c'usi ts'alh ixlakts'inca ixjunita chai lana k'ox tachapun ixjunita. Chai ju ix'alacavanti ju yuch lana k'ox sk'alalh ixjunita. Pus tus acsnich avilhchan ju Dios xtaknilh ju isSpiritu Santu ju David ni yuchach ju ca'aklhtaijuya'. Chai acsni navik'o ju chunch ju Samuel anchokolh ju la'ixchaka'.

Ju David laka'asanan ju ucxtin Saúl

(maxtucanta ju laca 1 Samuel 16:14-23)

Ju Dios ixmamactatach ix'aklhtaijuca ju ucxtin Saúl. Chai ixlacach'apaich ju aktamixnin ju lhacaticuru. Ju acsnich ju ixlapanacni tajunilhch ni capuxcaulich pumatam ju calaka'asanalh acsni lacach'apai ju lhacaticuru. Pus ju chunch laich cataxtulh ju lhacaticuru ju la'ixlacetuna.



Ju David laka'asanan ju ucxtin Saúl

Ju pumatam ixlhiyu'unch pastacnilh ju David ists'alh ju Isaí. Pus ju acsnich ju ucxtin Saúl lhinaulich ixt'asanica ju David. Va ta pakchuxch ju ixlacach'apai ju lhacaticuru ju ucxtin, ju David ixlaka'asananch ju la'ixlhisan.

Pus ju acsnich ju ucxtin Saúl lanach lacak'ox amapaininti ju ixlakts'in ju David. Chai acsni palaich mak'an va yuchach ju ixmalhi'ani ju quiclhlayai tsasnat ju lai ixpusast'uc'a ju flecha ju ucxtin Saúl acsni ix'an ju lalacalat.

Pus ju acsnich ju chako'ulh alacmalaca'inik'olhch ju xalapanacni ju anch lak'achak'an ni catamaknilhch ju Seba. Chai acsni catanavilhch ju chunch catamaca'anilhch ju Joab ju ix'aktsulh ju Seba la'ixlhipulacan ju ixpulak'achak'axnucanta ju lak'achak'an.

Pus acsni tanavilhch ju chunch ju Joab naulich ni ix'aclatach ju lasat. Chai ju ixtaropajni talac'anchokolhch ju la'ixlacchaka'an.

Ju ucxtin David mak'aixt'oka ju ixpunavican ixpujitat ju Dios

*(maxtucanta ju laca 2 Samuel 24;
1 Crónicas 21:1–26:28; 28:1–29:22a)*

Macxcai tak'enk'at ju xalak'achak'an Jerusalén

Acsni mak'anch ixta'ucxtinivi ju xalacat'un Israel ju ucxtin David alacput'ek'elh ju lapanacni. Ju Dios lana jantu k'ox lhiula ixlacata ju aput'ek'enti. Chai pastaclich ixmamak'alhk'ajnica ju xalacat'un Israel ju lacamacxcai tak'enk'at.

Vachu' malakacha pumatam ix'anquilh ju Dios ni calact'ilhilh ju xalak'achak'an Jerusalén. Para ju astan mapaxalh ju ix'atalacpast'ac'at. Pus ni cha'alh ju anquilh ju xalak'achak'an Jerusaén junilh ni jantuch calact'ilhilh.

Ju anquilh anch tamacaulich junta ixlaknek'a ixcebada ju pumatam lapanac jebuseo. Chai ju David lakts'ilh ju anu' anquilh.

Ju acsnich ju Dios junilh ju ucxtin David ni canavi lakatam tach mixa ju si chiux calhinavi junta caxtakniyach ju lhak'ailakts'inti ju Dios.

Ju ucxtin David tamonilh ju yuch lacat'un ju jebuseo. Ju yuch lapanac va ixlhak'ailakts'imputun ju ixlacat'un. Para ju ucxtin junilh ni camapalhniya'. Ju yuch jantu xtakniputun ju Dios ju va calhek'ailakts'incalh.

Ju ucxtin David navi lakatam ju tach mixa chai anchach ju lacmakni ju ali' lac'atapacxat ju ixlhak'ailakts'intich navinilh ju Dios ju va laxxavanik'ocan. Vachu' lacmakni ju atapacxat ju xalhak'ailakts'intich ju laich lat'a'ucan.

Pus Joab chai ju ts'alh ju ixlhi'anita ju xpušanas yu'unchach ju taquimakni ju Absalón junta ixquilhtayacha lacaq'uiu. Ni tapasalhch ju chunch ju Joab alacjunilhch ju ixlapanacni ni ix'aclatach ju lasat.

Ju David c'atsalhch ni ixta'alhajanantach ju lacalasad ju ixtaropajni. Para vachu' c'atsa ni ixtamaknitach ju ists'alh ju ixjuncan Absalón. Pus lanach k'ox amak'aninilh. Ju acsnich ju Joab alhch lak'ak'aimana':

—Pus lana k'ox quint'onau lamamaxaninin ju xaclasayau ju chavai ju minlacata. Mas ni xacla'aklhtaijuyau tach ju va mint'alaxcaich quinlalakts'inau. Pus ca palai k'ox ixlhiulat'i ni xaclacmaknicau ju quijnan chai ixputaxtulh ju Absalón.

'Pus palai k'ox ni at'axt'u ix'alacjunica ju minlapanacni ni na lhek'ach'ant'a ni laich xata'aklhtaijuyan. Pus ni jantu anaviya' ju chunch catamocoyok'oyan ixchux'an.

Ju acsnich ju ucxtin David alhch tolhna' vanin ju laxamalhtich ju lak'achak'an ix'alacmatank'oxajk'ayaca ju ixtaropajni.

Ju Seba vachu' t'alak'aji ju ucxtin David

Ni jantuch mak'an xajun ju ix'apapanatni ju Judá ta'alhch puxconin ju ucxtin David. Chai tajunilh ni ca'anchokolh ju xalak'achak'an Jerusalén. Chai k'extamch tat'a'alh ju lacati acsni anchokolh.

Para ju ali'itni xalac'apapanatni ju israelitanin jantu k'ox talhiula ju tuchi ixtanavitach ju ix'apapanatni Judá. Ju pumatam lapanac ju ixjuncan Seba tai'ulachokopa alakatam lak'aiti. Pus va yu'unchach ju xalapanacni Judá ju k'oxich tataima ju ucxtin David. Pus ixchux'an ju ali'itni israelitanin tataimalhch ju Seba.

Pus acsni cha'anchokolh ju ucxtin David ju xalak'achak'an Jerusalén, amalakacha ju ixtaropajni ni cata'alh t'alanin ju Seba. Para ju Seba tatank'anulacatam lak'achak'an. Pus ju Joab lak'achak'axnulhch ju yuch lak'achak'an.

Ju anch lak'achak'an ixvi pumatam chako'ulh ju lana k'ox ix'ac'atsananta. Pus ju yuch sacmillhch ju Joab tajuch ni va ixmalajc'acxaputunch ju lakatam lak'achak'an ju vatach ix'aklhtaijutach ju xalacat'un Israel.

Ju Joab lhik'elhtailich ni va yuch ju ixlacasq'uin ju Seba xa'ucxtin ju lak'aiti.

Ju David makni pumatam taropa filisteo ju na putank'ai junita

(maxtucanta ju laca 1 Samuel 17:1–18:5)

Ju Goliat puxcajui tis chavaich ju lai cat'alasa

Ju lakatam avilhchan ju taropajni israelitanin ixtat'alasad'ajun ju filisteonin. Pus ju quilhmactamin la'ix'ucxni talhpa ju ixtalalaca'anivilanalh. Para ju pumatam taropa filisteo taxtulh junta ixtavilanalh chai alact'asalaca'anilh ju xataropajni israelitanin.

Ju yuch lapanac ixtapasata lakat'ui metro apaitat ixjunita ju ixlhiputank'ai. Chai ixlhimalakch'ininta ju lana k'ox ts'inq'ui chai lana si tsasnat ixjunita. Pus ju yuch Goliat ixjuncan.

Chai ix'alacjunich ju israelitanin ni catapuxcaulich pumatam lapanac ju laich ca'alh t'alasana' ju yuch. Pus ni ca'alhajanalh ju Goliat, filisteoninch ju catalhinona' ju xalacat'un Israel. Para ni xataropach Israel ju ca'alhajanalh, pus israelitaninch ju ca'alacalhijuna' ju filisteonin.

Mas ni chunchach ju naulh ju Goliat, ju taropajni israelitanin lana k'ox ixtatalhoni ixt'alasaca ju yuch lapanac.

Ju ixpumut'utu'an xalajk'ajin ix'alak'avin ju David anchach ixtamakvilanalh ju lhila'ixtaropajni ju ucxtin Saúl. Ju David ixt'onacha laclhista'ca' ju ixlajcalhnilu ju ixpai.

Pus ju lakatam avilhchan ju Isái junilh ju David ni ca'alh alakts'ini' ju ix'alak'avin tas ixtatalhitajuich. Pus chunchach ju laich vachu' ca'alacpulhi'anilh lacats'unin ju ixvaiti'an.

Ju Goliat alact'asaxtui ju israelitanin ixlasaca

Ju David cha'alh junta ixtavilanalh ju taropajni israelitanin. Chai ju acsnich ixtapasatach tam malhquiuyu' ju ix'alact'asaxtut'ajun ixlasat'an ju Goliat ju israelitanin.

Ju Goliat lana tuncujun, tuncujun ju ix'alact'asaxtut'ajun ju lasat ju israelitanin. Pus acsni xac'atsai ju chunch ju David lana jantu k'ox xalhiulai. Chai naulich ni jantu pulhijun ni chunch ca'alacmamaxanitsuculh ju ixlapanacni Dios ju yuch lapanac. Chai naulich ju yuch ni lai ca'alh t'alasana' ju Goliat.

Pus acsni xac'atsai ju chunch ju ucxtin Saúl lhinaulh ixt'asanica ju David chai chinich junilh:

—Ju uxint'i jantu lai at'it'alasat'i ju yuch lapanac. Pus ju yuch na lhatalanininta ju ixputaropa chai ju uxint'i va ts'alhca'at.

Ju David najun ni lai cat'alaisai ju Goliat

Pus ju David chini lhimapusp'itnilh ju ucxtin Saúl:

—Ju quit'in ixlhista'na' ixlajcalhnilu ju quimpai icjunita. Pus ic'alacmaknitach ju na lack'ai atapacxat tach ju leon chai ju oso ju va ixta'uputun ju lajcalhnilu.

'Acsni tavanan talacchinacha ju lack'ai atapacxat pus ju Dios quin'aklhtaiju i'x'alacmaknica. Pus chunchach ju vasch icpuc'atsai ni vachu' aquin'aklhtaijuya' acsni act'alasaya' ju anu' k'ai filisteo.

Pus ju acsnich ju ucxtin Saúl jantuch lai tu'u' lhimapusp'itnichokolh, va yuch ju laich lhijunilh ju ixpulasan ix'akstu.

Ju acsnich ju David lakch'ilhch ju ixpulasan ju ucxtin Saúl. Para ni jantuch ixlhismanita ni calakch'i, va ixst'uc'ach acsni ix'alhtanan.

Pus ju acsnich va maxtuchokolhch ju anuch pulasan. Chai quisaclich lakaquis lakslep'enk'e chiux ju lakxk'ati chai mujulhch ju la'ixpasti. Pus chunchach ju alh put'alasana' ju Goliat junta ixyacha. Chai jantu tu'u' atumpa ixpulasan ju ixlhi'anta. Pus va yuchach ju ixlhi'anta ju ixunt'alh.

Pus acsni lakts'ilh ju Goliat ni ix'anta ju David t'alasana' va lhits'i'ilh.

Ju David xek'elai ju Goliat

Para ju David chini junilh:

—Ju istavasalanti Dios ju iclak'ayayau ju quijnan ju israelitanin icjuntau yuchach ju aquin'aklhtaijuya'. Ju chavai avilhchan chux ju xalapanacni ju ani lacamunutpa' catalakts'inach ni vasalh quinta'aklhtaijuyan ju quinDios quijnan.

Ju acsnich ju Goliat tailajk'alh junta ixmintacha ju David. Chai ju David vachuch t'alatailajk'alh junta ixmintach ju Goliat. Pus ju acsnich ju David sok'och majcutulh lakatam slep'enk'e chiux ju la'ixpasti.

Ju ixtaropajni ju Absalón tat'alasa ju ixtaropajni ju David. Chai yu'unch ju ixtaropajni ju ucxtin David ju ta'alhajanalh ju lacalaset. Pus ju ixtaropajni ju ucxtin David 20,000 tamakni ju ixlapanacni ju Absalón.

Ni ju Absalón

Lana vats'alhti talakts'ilh ju ali'in ixlapanacni ju ucxtin David ni ixpu'ats'alatach ju ixmac'uc'a' ju Absalón. Para ju mac'uc'a' anch tapasalh ju la'ixk'elhtank'apu' junta na macatai ju ixlac'acatan ju q'uiiu. Ju ix'aktsulh ju Absalón talaknu ju la'ix'acatan akatam q'uiiu. Chai ju mac'uc'a' tailhi'alh ju ix'ats'alhti, pus ju Absalón lhtivich tapalhu ju lacaq'uiiu.

Ju acsnich ju pumatam taropa ats'ala'alh junini' ju Joab. Pus ju Joab lana k'ox p'as ajk'aima ni va jantuch ixmaknita ju anch ju Absalón. Para ju taropa jantuch ixmaknita ni ixc'atsaich ni jantu ixlacasq'uin ju ucxtin David ni camaknicalh.



Ju Absalón tapalhu ju la'ix'acatan ju akatam k'ai q'uiiu

Absalón sacmi ju Husai tas ixpast'ac'ach ju yuch. Ju Husai chinich junilh:

—Pus alakts'ich. Ju quit'in ijc'atsai ni jantu sok tach ju xanajun ju Ahitofel ju chavai. Ju mimpai taropa junita ju lana k'ox atalanininta. Chai vas ijc'atsai ni jantu k'extam cati'alact'atavi ju ixtaropajni ju chavai ts'is. Pus ju chunch ni ap'it'i puxcona' lai ca'alacmaknicalh ju ali'in mintaropajni. Chai ju acsnich laich cac'atsacalh ni va ts'ank'at'ich ju minlasat ju t'ai'ulat'a.

'Palai k'ox iclhiulai ni at'asanik'och ju israelitanin ju vaclhun tat'ajun lak'achak'anixni. Chai anavit'ich quilhmactam mintaropajni ju yu'unch. Chai alacmaknik'och chux ju ixlapanacni ju ucxtin David.

Ju acsnich ju Absalón chai ju ali'in xalac'ucxtinin ju lak'aiti tapastaclich ni palai k'ox ju ix'amap'aksinti ju Husai, chai palai jantu ju ix'anu' ju Ahitofel. Mas palai k'ox ixjunita ju ix'amap'aksinti ju Ahitofel tanaulh ni palai k'ox ju ix'anu' ju Husai. Ju Dios jantu alacmoconilh ni catac'atsa ju ixtavasalanti ni va ixmamak'alhk'ajniputunch ju Absalón. Pus chunchach ju tapulaca'ilhch ju Absalón chai ju ixlapanacnich ju ix'amap'aksinti ju Husai.

Ju acsnich ju Husai alacjunilhch ju palijni ju tuchi ixtapasatach. Chai tamaca'anilh chivinti ju ucxtin David ni vats'alhtich catacutlh ju xak'ai xcan Jordán. Pus chunchach ju laich caputak'elhtaxtuya' ju la'ixmacni ju ixtaropajni ju Absalón ju camalakachaya' ixch'apaca chai ixmaknica.

Acsni xalakts'in ju Ahitofel ni jantuch xatalaca'ini ju ix'amap'aksinti ju Absalón chai ju ixlapanacni alhch ju la'ixchaka'. Chai va ix'akstuch ju maknichokocancha.

Talasai ju ixtaropajni'an ju Absalón chai ju David

Acsni xa'amak'aixt'ok'ach ju ixtaropajni ju Absalón, ju ucxtin David ixcha'antach ju lalacakatam lak'achak'an ju juncan Mahanaim. Chai ix'alacmalak'asi'ulatach ju ixtaropajni ju ixlasat'an.

Ju xa'ucxtinin ixtaropajni jantu tamoconilh ni ca'alh ju lalacalat. Pus ju David tamacaulich ju xalak'achak'an Mahanaim. Para ju David lana k'ox ixmapaini ju Absalón ni va ists'alhch ixjunita. Chai lana k'ox alaclhimap'aksi ni jantuch va catamakni.

Chai acsni muc'alh ju la'ixxunt'alh vilh maxvili chai tar maca'alh ju chiux junta ixmintach ju Goliat. Pus ju ani chiux lana sok pumuntit'alalh chai ta'aktalh ju Goliat. Pus ju acsnich ju David lanach ats'ala'alh junta tamacha ju Goliat chai pulacpach'uc'up'uxlich ju ix'espada.

Tatalhanan ju filisteonin

Ju acsnich lanach k'ox talactalhanalh ju taropajni filisteonin chai tatsuculhch lac'ats'alhnin. Para ju xataropajni israelitanin talac'akch'ak'ok'axmalhch tus la'ixlak'achak'anixni'an. Pus ju israelitanin lana k'ox lhu talacmakni ju filisteonin.



Ju David makni ju k'ai taropa ixjuncan Goliat

Acsni xalakts'in ju ucxtin Saúl ju tuchi ixtapasata, junilh ju Abner ni calhminilh ju David.

Ju Abner xak'ai ix'ucxtin'an ixjunita ju ixtaropajni ju k'ai ucxtin Saúl. Pus ju Abner chunchach ju xanavi tach ju xalhijuncanch.

Acsni cha'alh ju David ju la'ix'ucxlacapu' ju ucxtin Saúl ixch'apalhi'antach ju ix'aktsulh ju Goliat. Ju acsnich ju ucxtin Saúl junilh ni anchach ju catsuculh ju David junta t'ajun ju k'ai ucxtin.

Ju Jonatán ma'amigoxlai ju David

Ju ists'alh ju ucxtin Saúl ju juncan Jonatán lana k'ox ma'amigoxla ju David. Pus lhek'ailakts'ilh ju ix'espada chai ju ixmak'atanut.

Pus tus acsnich ju ucxtin Saúl tai'ula ixmalakachaca ju David ju lacalasad. Chai ju David na k'ox ixch'alhcatnan chai lhca'ula ni xalacat'icst'ich ix'ucxtin'an cava ju ixtaropajni ju ucxtin Saúl.

Chux ju israelitanin lana k'ox ixtalhek'achan acsni ixtac'atsai ni ix'alhajanán ju David. Vachu' na k'ox ixtalhiulai ju xalack'ajin ixtaropajni ju ucxtin Saúl.

Ju ucxtin Saúl t'alatalhk'amni ju David chai makniputun

(maxtucanta ju laca 1 Samuel 18:6–20:42)

Ju Saúl lhaccha'ani ju ixlhich'alheat ju David

Ju David k'ox quitasp'itlh ix'alacmaknica ju na lhu taropajni filisteonin. Pus ju acsnich ju chakolun israelitanin tataxtulh ixpakxtoktajica ju ixtaropajni ju David. Chai lana talaclhimilhpa'at'inink'o ni ixtalhajatach ju lacalasad ju David.

Pus ixtalhimilhpaich ju ucxtin Saúl chai ju David. Pus ju la'ixmilhpat'an ixtanajun ni na lakalhu milh ix'alact'alaxcai'an ix'alacmaknita ju Saúl. Para ju David palai na lakalhu milh ju ix'alacmaknita.

Pus acsni k'esmatlh ju chunch chivinti ju ucxtin Saúl lana k'ox talhk'amalh. Ju acsnich pastaclh ni laich cata'ula ix'ucxtin'an ju David ju lapanacni. Pus tus acsnich ju ucxtin Saúl tai'ulalhch ixt'alaxcajica ju David.

Ju Saúl makniputun ju David

Acsni tuncunchokolh ju ucxtin Saúl lacach'apachokopa ju lhacaticuru. Chai ju David laka'asananchokopa ju la'ixlhisan.

Ju ucxtin David junilh ni ca'anchokolh ju xalak'achak'an Jerusalén chai vachu' junilh ni calhitalacasu ni ixlapanac junita ju Absalón.

Pus ju ucxtin David ixlacasq'uin ni ix'atank'ajlakts'inich cava ju Husai. Chai junilh ni ca'alacjunilh ju palijni chux ju tuchi cak'esmat'a'. Chai yu'unchach ju catamaca'aniya' ju chivinti. Ju ucxtin David tailhi'alh ju ix'alhtanti ixmacajunca ju xalak'achak'an Jerusalén.

Ju Dios navi ni cats'ank'a ju ixlak'aiti ju Absalón

(maxtucanta ju laca 2 Samuel 16–20)

Ta'amap'aksinin ju Ahitofel chai ju Husai

Ju Absalón chai ju ixlapanacni k'extam tat'acha'alh ju Ahitofel ju xalak'achak'an Jerusalén. Ju Husai alajquipakxtoklich chai k'elhtasunilh ix'aklhtaijuca ju Absalón.

Ju Absalón sacmi ju Ahitofel tijuch ju lai canavi. Chai ju yuch junilh ni ca'alact'atamalhch ju ixlacnavin ju ixpai. Pus ju chunch vatach ixt'alaxcaich canaviya' ju ixpai.

Pus ju acsnich ju ixlapanacni ju Absalón tayaulich akatam lonachaka' ju la'ix'ucxni ju pu'ucxtin. Pus anchach alaclhi'alh ju ixlacnavin ju ixpai chai alact'atamachalhch ju yuch. Pus chunchach ju tapue'atsak'olhch ju israelitanin ju tuchi ixt'ajun navini' ju Absalón.

Ju ix'atap'aksinti ju Ahitofel lana si k'ox ixtalhiulanik'ojui. Ju alakatam ix'atap'aksinti yuch ni camak'aixtoklich quilhmactam ixtaropajni ju Absalón chai vats'alhtich ca'alact'a'akch'ak'ok'axma ju ucxtin David ju ixlapanacni.

Ju acsnich ju Ahitofel naulich ni laich ca'alaclhi'alh yuch ju taropajni. Pus ni na xk'optach ju ucxtin David junta calhitajucha ju Ahitofel, pus ix'akstuch ju camakniyanta. Pus chunchach ju laich cataput'atalakxtoklh ju Absalón ju ixlapanacni ju ucxtin David. Pus ju acsnich laich cata'aklhtaijuya' ju Absalón ju ixtaropajni ju ucxtin David.

Ju acsnich ixchux'an tapastaclh ni na k'oxich ixjunita ju ani atap'aksinti. Para acsni tuca' ixlaca'i ju ani atap'aksinti ju

Ju Absalón jantu vas ixjunita ju ixpai tijuch ju ixnaviputun. Pus ju yuch ixpastactach ni canonantach ju xalak'achak'an Hebrón ni yuchach ixjunita ju xa'ucxtin ju xalacat'un Israel.

Pus lana k'ox lhu israelitanin ju ta'aklhtaiju. Chai vachu' aklhtaiju ju pumatam ix'amap'aksini' ixjunita ju ucxtin David ju ixjuncan Ahitofel. Pus ju Ahitofel lana k'ox ix'atalanininta chai xak'ai ixpai ixjunita ju Betsabé.

Ju ucxtin David taxtui ju xalak'achak'an Jerusalén

Acsni xac'atsai ju ucxtin David ixlacata ju lak'aiti, lana pastaclh ixtaxtuca vats'alhti ju xalak'achak'an Jerusalén. Pus alact'ataxtok'o ixchux'an ju ixlapanacni chai ju ixtataimatach chai acsni jantuca' ixcha'an ju Absalón ix'alacmaknica.

Pus alact'ataxtulh ju ists'alan, ixlapanacni chai ju ixtaropajni ju ucxtin David ju xalak'achak'an Jerusalén. Para pumacau (10) ixlacnavin alacmacaulh ju la'ixchaka' ni laich catalhistacnilh ju ixchaka'.

Ju Sadoc chai ju Abiatar palijni ixtajunita, chai ju yu'unch taquipakxtoktailh ju ucxtin David acsni ixt'ajun taxtunu' ju xalak'achak'an Jerusalén. Pus ju yu'unch ixtalhimintach ju salaka p'aklat ni va ixtat'alhi'amputunch ju ucxtin David. Pus mas ni chunchach ju tanavi, ju yuch alacjunilh ni catalhi'anchokolh ju p'aklat junta ixvilhcha. Pus ni vasalh ixt'ajun aklhtaijunu' ju Dios, ju yuch cacha'anchokoya' ju xalak'achak'an Jerusalén.

Pus alacjunilh ni jantu lai xamati' cati'alacsastucnilh ju ix'a'aklhtaijunti'an. Para palai k'ox ni laich catalhi'aklhtaiju tach ju va atank'ajlaks'tininch catava. Pus ju chunch laich cac'atsaya' ju tuchi t'ajun tapasana' ju xalak'achak'an Jerusalén. Pus ju acsnich ju palijni chai ju levitanin talhi'anchokolh ju salaka p'aklat junta ixvilhcha.

Ju ucxtin David lana k'ox ix'amak'aninin acsni tailhi'alh ju ix'alhtanti. Pus ixc'atsai ni ixt'ajun aklhtaijunu' ju Ahitofel ju Absalón. Chai lhitapaininilh ju Dios ni jantuch caquiclaca'i ju ix'atap'aksinti ju Ahitofel ju Absalón.

Ju astanch t'alaquipakxtokpa ju Husai. Ju yuch vana pumatam ix'amap'aksini' ixjunita. Pus ju Husai lana k'ox ix'amak'anininta ixlacata ju lak'aiti.



Ju ucxtin Saúl lhap maca'anilh ju ixlanza ju David acsni ixt'ajun laka'asana'

Pus acsni ixt'ajun laka'asana' ju David, ju ucxtin Saúl ixch'apata ju ixlanza.

Pus ju ucxtin Saúl pakt'ui ju lhap maca'anilh ju David ju ixlanza ni va ixpulhtokoputunch. Para ju David pakt'ui ju p'ak talakxtinunilh chai jantuch pumac'atsani ju ixlanza.

Ju acsnich ju ucxtin Saúl c'atsalhch ni na ixt'ajun aklhtaijunu' ju Dios ju David. Chai ni jantuch ix'aklhtaijui ju yuch pus na ixtalhonich ju David. Pus ixlhiyuchach lhilhca'ulalhch ni lacat'icest'ich xa'ucxtin cava ju quilhmacam ixtaropajni. Pus ju chunch ixpast'ac'ach ni laich jinta' lalacasat ju camaknicancha ju David.

Para ju David ix'alhajanank'oju chux junta ix'an ju lalacasat ni na ixt'ajun aklhtaijunu' ju Dios. Pus tus acsnich ju ucxtin Saúl palaich na ixtalhoni ju David. Para ju israelitanin lana k'ox ixtamapaini ixchux'an ju David.



Ju David mak'axtaknican ju Mical istsi' ju ucxtin Saúl



*Ju Absalón lhakt'asajunun ni tolhputun ixpu'ucxtin
ju xalacat'un Israel ixlacata ju ixpai*

Pus ju astanch ju ucxtin Saúl pastaclich tayu laich capumalaje'acxa ju David. Pus ju xalacat'icst'i istsi' ju ucxtin Saúl ju juncan Mical lana k'ox ixt'alak'achani ju David.

Pus ju acsnich ju ucxtin Saúl junilhch ju David ni laich cat'atamak'axtoklh ju Mical.

Pus ixchux'an ju ixlapanacni ju ucxtin Saúl ju alacjunilh ni catamalaca'inilhch ju David ix'amaklhtayananca ju tuchi ixlhijuncan. Pus ju David jantu ix'amaklhtayanamputun ju Mical. Para tajunilh ju David ni va tam cientos filisteonin ca'alacmakni ixtapalhni ju Mical.

Pus chunchach tajunilh ju ixlacasq'uin ju ucxtin Saúl ixlacata ju istsi'. Pus ju ucxtin Saúl va ixpast'ac'a ni laich catamaknicha ju David ju filisteonin. Pus chunchach ju ixpast'ac'a ju laich capumalaje'acxa ju ixt'alaxcaich ixlhilhcai.

Ju acsnich ju David ak'elhtayanalh ix'amaklhtayananca ju tuchi ixtalhijuni. Chai alajquimaknilhch ju lakat'ui cientos filisteonin.

ju xalacat'un Israel. Chai alacmak'aixtoklich quilhmactam ixlapanacni ju laich cata'aklhtaiju.

Chai tuncujun ix'an tayana' ju laxamalhtich junta ixpulak'achak'axnucanta ju xalak'achak'an Jerusalén. Pus anchach ju ix'alacxek'elayajui ju ixta'an t'achivinin ju ucxtin David ni ca'alaclak'oxinilh ju tu'u' lhamak'an. Chai ix'alaçjunich ni jantu cati'alack'esmatnilh ju ucxtin ju ixchivinti'an. Para ni yuchach cava ju ucxtin, ju yuch ca'alack'esmatniya' ju ixlhamak'an'an chai canaviya' ju soknic'a lhamap'aksin. Pus ju Absalón ixlhitalacasui ni vasalh na ix'amapaini ju lapanacni, chai lana si ixtamapainik'ojui ju yuch.

Acsni tapasalh ju lakat'at'i c'ata ju Absalón ucsac'atsalhch ni lak'asi ixvillhch ni laich ucxtin cava. Pus ju acsnich junilhch ju ucxtin David ni camoconilh ix'anca ju xalak'achak'an Hebrón. Pus ju anch va ca'ana' muctaxtunu' ju lakatam ak'elhtasunti ju ixnavinita ju Dios. Chai ju ucxtin moconilh ni ca'alh.

Ju Amnón vachu' ists'alh ixjunita ju ucxtin David. Chai ju yuch lana k'ox k'achanilh ju Tamar. Pus va paitat ixlhilak'au ixjunita. (Ju ixpai ju Amnón vana ixpai ixjunita ju Tamar para ju ixnati'an pumatamin ixtajunita.)

Ju lakatam avilhchan va okxchok'olh acsni junilh ni ca'alh macuvilana' va ix'akstu junta ixlak'acuja. Pus acsni ixt'atanunch ju la'ixchaka' lanach va lacatap'astu junilh ni cat'atamalhch. Para ju astanch ni talack'ostavilhch lanach k'ox xcailh chai xcoxtulhch ju la'ixchaka'.

Acsni xac'atsai ju ucxtin David ju tuchi ixnavitach ju Amnón, talhk'amalh para jantu xamamak'alhk'ajni ni yuchach ju xak'ai ists'alh. Pus ju Absalón tus acsnich ju t'alaxcaicha ju Amnón.

Acsni tapasalhch ju lakat'ui c'ata ju Absalón navi lakatam k'ai c'atan. Chai alack'ailhi'ank'o ju ix'alak'avin chai ju paitat ixlhi'alak'avinch. Pus alacjunilh ju ixlapanacni ni acsnich ju catamakni ju Amnón acsni paitat cat'ak'ap'alhch. Pus ju yu'unch chunchach ju xatanavi.

Pus ju acsnich ixchux'an ju ali'in ists'alan ju ucxtin David ju talac'ats'alalh. Pus ixtalacpujuc'analh ju ixlacmac'uc'a'an acsni talac'ats'alalh tus tacha'alh ju la'ixlacchaka'an.

Ju Absalón ix'atsaich ni cat'alatalhk'amniya' ju ucxtin David ni va ixmaknitach ju Amnón. Yuch lhixtaxtulhch ju la'ixlacat'un'an ju ixt'a'israelitanin chai alhch t'atolhna' pants'iq'uis ju xak'ai ixpai, yuch ju ixpai ju ixnati. Pus ju anch lakat'utu c'ata ju tolhcha. Chai ju acsnich ixmamactatach ju ix'amak'anit ju ucxtin David ixlacata ju Amnón.

Ju ucxtin David ixlacasq'uin ni catasp'itchochhalhch ju Absalón, para jantu ix'an ini'. Pus ju Joab malaca'ini ni yuchach ju ca'ana' ini' ju Absalón.

Mas ni ixjunitach ni ca'alh ini', lakat'ui c'ata ju jantu lacasq'uinilh ni ca'alh lakts'ini' ju Absalón. Tus acsni chilhch ju avilhchan tat'atak'aixtoklich ju ucxtin David ju ists'alh ju juncan Absalón chai mac'amilhch.

Ju Absalón t'alak'aji ju ixpai ju juncan David

Ju Absalón lana k'ox c'us lapanac ixjunita chai ju israelitanin ixchux'an ju lana k'ox ixtalhamak'aninin. Pus ju Absalón pastaclich ixlasaca ni laich yuch ju sast'i xa'ucxtin cava

Pus acsni mak'axtaklich ju David ju tuchi isq'uinican acsnich ju t'atamak'axtoklh ju Mical. Ju acsnich ju ucxtin Saúl palaich na t'alatalhonilh ju David ni lakts'ilh ni vasalh na ixt'alamapaini ju istsi'. Chai ixlakts'inch ni vasalh na ixt'ajun aklhtajunu' ju Dios ju David.

Ju Jonatán aklhtajui ju David

Ju acsnich ju ucxtin Saúl pastaclich ixmaknica ju David. Chai alacjunilhch ju ists'alan chai ju ixlapanacni ni camakniyach ju David.

Para ju ists'alh ju juncan Jonatán lana k'ox ix'amigo ixjunita ju David. Pus ju acsni ju yuch junilhch ju David ju tuchi ixpast'ac'ach ju ixpai.

Ju Jonatán navi talakmask'atin ixmalaca'inica ju ixpai ni jantuch camakni ju David. Pus ixlhuyuchach ju ucxtin lhimapaxalh ju ix'atalacpast'ac'at chai naulich ni jantuch catimakni ju David.

Pus chunchach ju laich putailhi'alh ju David ix'alacalhistajca ju ixtaropajni ju ucxtin Saúl. Chai ju acsnich alact'alasachokolh apaktam ju filisteonin chai alhajananchokopa ju David ju lalacalat.

Ju David taxtui ju la'ixchaka'

Chai acsni tapasachokolh ju avilhchan ju lhacaticuru lacach'apachokopa ju ucxtin Saúl. Pus ju acsnich ju David laka'asananchokopa ju la'ixlhisan. Para ju ucxtin lana lhap maca'anichokopa apaktam ju ixlanza.

Ju acsnich putaxtuchokopa ju David. Pus lanach moco'ula ju ucxtin Saúl chai alhch ju la'ixchaka'. Para ju ix'amachaka' ju juncan Mical junilh ni alaich ca'alh alacatam ju acsni atats'isni. Pus ni jantu ca'ats'alaya' ju David ju acsni lai camaknicalh ju la'ixchaka'. Pus ju acsnich ju ucxtin Saúl lanach vas ixnajunta ni ca'anach maknini' ju David ju la'ixchaka'.

Ju acsnich ju ucxtin Saúl ix'alacmalakachatach ju ixlapanacni ni cata'alhch lhistacnin ju la'ixchaka' ju David. Ju acsnich ju Mical va la'ixventanach ju pumak'elhtaju ju David ni laich ca'ats'alalh.

Chai ju la'ixputaman ju David lak'oximamalhch ju Mical lakatam ju tach lapanac catasu ni laich canajuncalh ni anchach

ixma ju David. Pus lanach k'ox malakch'ini ju ixlakch'it ni canajuncalhch ni va ixtak'enk'aich ju David.

Ju acsnich lanach tatanucha ju ixlapanacni ju ucxtin Saúl ju la'ixchakach ju David ni laich catalhi'alh. Para ju Mical lanach sok'o alacjunilh ni jantu lai catitalhi'alh ju David ni va ixtak'enk'aich.

Acsni palaich tok'oxa ju ucxtin Saúl c'atsalhch ni va ix'okxchok'otach ju istsi' ju juncan Mical. Chai ju acsnich lanach k'ox t'alatalhk'amnilh chai lanach k'ox ajk'aima.

Para ju Mical chinich junilh ta'eklhtamat chivinti ju ixpai:

—Ju David quinjunilh ni xaquinmakni ni jantu xac'aklhataju ixtak'elhtaxtuca.

Pus ju acsnich tak'elhtaxtulh ju David chai alh t'achivini' ju ixnajun ixchivinti Dios ju ixjuncan Samuel. Chai ju yuch junk'o chux ju tuchi ixtapasatach ju la'ixmacni ju ucxtin Saúl.

Pus ju acsnich ju ucxtin Saúl lanach k'ox ixpuxcot'ajun ju David para lana jantu tavanan lai lhitaju.

Chai ju acsnich ju David alh t'alalakapakxtoknu' ju ix'amigo juncan Jonatán chai quilhasacmilhch. Pus chinich junilh ju la'ix'asacminti:

—Tajuch ni na va quint'alatalhk'amnipalai ju mimpai.

Ju Jonatán lhek'elhtailich ni jantu slivasalh ni va catalhk'amnilh. Para ju David chinich junchokolh:

—Ju quit'in vas ijc'atsai ni vasalh va quint'alatalhk'amni ju mimpai. Pus ju uxint'i ca va jantuch jumputunan ni c'atsaich ni na va k'oxich quin'amigo'at.

Pus ju acsnich ju David junilh ju Jonatán ni ca'alh asacmini' ju istavasalanti. Chai acsni cac'atsachalhch caminchokolhch t'alajunini' ixlacata ju tuchi past'ac'ach ju ucxtin Saúl.

Ju Jonatán junilh ni ca'asacmininantach chai acsni cac'atsayach ju istavasalanti caminchokoyach junini' ju tuchi t'ajunch tapasana'.

Chai ju acsnich ju Jonatán vasch c'atsa ni vasalh va ixmakniputun ju ixpai ju David. Pus ju acsnich ju Jonatán anchokolh sek t'alajunini' ju David ixlacata ju tuchi xac'atsaich.

Chai ju yuch lana k'ox ix'alajc'atsanan ni jantuch xamati' cak'esmatnilh ju tuchi ixt'alajunich ju ix'amigo.

Pus mas ni ix'alín ju ani lhamak'an ju ixt'iyun'an talak'elhtasunilh ni vatach catalama'amigoxlayach. Chai ju

catats'inquiniyan ju mak'alhk'ajnat. Chai vachu' camocona' ni xamati' catalact'atama ju minlac'amachaka' ju laca'atuncunu'.

'Ju uxint'i jant'u ixlac'asquuin ni xamati' cac'atsa ju tuch'i ixt'alat'ach ju Betsabé. Para ju Dios camocona' ni catac'atsak'o ju amachak'an Israel chux ju macxcai taxtokni ju tuchi at'ap'asaya'.

Pus yuchach ju ani chivinti ju junilh ju Natán ju ucxtin David chai ju yuch chinich xalhek'elhtaji:

—Vasalh chunch. Ju quit'in jantu xajquiclaca'i ju Dios. Pus icnavi ju alactu'unti ju na amacxcai.

Ju acsnich ju Natán chinich junilh:

—Mas ni xanavich ju chunch, ju Dios jantu catimaknin. Alai yuch caniya' ju ts'alh ju xamaklak'ajun ju Betsabé.

Ju acsnich ju Natán alhch ju la'ixchaka'.

Ju ists'alh ju Betsabé ni

Pus ni jantuch mak'an xajun lanach k'ox tak'enk'a ju ts'alh. Ju ucxtin David lana tam semana ju jantu tu'u' ulh acsni tapaininilh ju Dios. Ju yuch va ixnajun ni camoconilh ju Dios ju ists'alh xalak'ajun ni jantuch canilh. Para ju ts'alh akts'iya nilh.

Acsni tapasak'olhch ju ani lhamak'an, ju ucxtin David alhch t'atak'aixtoknu' ju Joab chai ju ixtaropajnich. Pus ju yu'unch ixtat'onachalhca' t'alasanin ju amonitanin chai ta'alhajanalh ju lacalasad.

Ni mak'anch va ju Betsabé maklok'onchokopa apumatam ts'alh. Chai ju yuch Salomón lhimapaka'u. Ju acsnich ju Dios malakachalhch ju Natán ni ca'alh alacjunini' ni na mapaini ju Salomón.

Ju Absalón tai'iniputun ju ixpu'ucxtin ju ixpai, David

(maxtucanta ju laca 2 Samuel 11:3; 13–15; 23:34)

Ju Absalón chai ju Amnón

Ju Absalón pumatam ixts'alh ixjunita ju ucxtin David chai ix'alín pumatam ixp'isek'e ju istsi' ixjunita ju ixpai chai ju ixnati. Pus ju yuch Tamar ixjuncan chai lana k'ox c'us ixjunita.



Ju najun ixchivinti Dios ju juncan Natán ajk'aimai ju ucxtin David

cat'a'ulh. Alaich yuch quimakni ju ixcalhnilu ju quilhpatinilapanac.

Pus acsni xak'esmat'a ju ani chivinti ju ucxtin David lana k'ox talhk'amalh chai chinich naulh:

—Pus ju yuch lapanac pulhijun ni camaknicalh. Chai camapala' ju ix'ak'alhajunti calhnilu. Ju quilhpatinilapanac caxtaknicana' lakat'at'i calhnilu ix'okxtapalhni ju lakatam.

Ju acsnich ju Natán chinich junilh:

—Pus uxint'i ju lapanac ju xanavi ju ani alactu'unti. Ju Dios va quinmalakachachilh ni acjunin ni yuch ju xa'ulayan ju mimpu'ucxtin chai yuch ju lhistactan. Pus na pumalhu minlac'amachaka' ju xaxtakniyan chai sich minlac'anu'. Para ju uxint'i maknit'i ju Urias chai t'ai'inin ju ix'amachaka'. Pus icc'atsaich ni yu'unchach ju xataropajni amonitanin ju tucan xatamakni para ju Dios c'atsai ni uxint'i ju xalhina'un.

'Pus lanach jant'u xat'alhoni ixt'alak'ajica ju Dios chai malaclat'ich ju ixlhamap'aksin. Pus ixlhiyuchach vachuch calhimamak'alhk'ajniyan ju yuch. Ju Dios camocona' ni catalaclasa sian ixlhi'akstu'an ju mints'alan. Chai na

pumatamin k'oxich catalalakts'iniya' ju ixlacts'alan'an acsni p'ulhnanch canilh xamati' ju ixlhiyu'unch.

Ju acsnich ju David alhch tsucunu' alacatam lacat'un. Pus vasch ixc'atsai ni jantuch lai cati'ucxuntsuculh ju la'ixlalat'un ni va ixmakniputuncanch. Pus ju ucxtin Saúl vasalhch lana k'ox ixmakniputun ju David.

Ju David ats'alhni ju ucxtin Saúl chai ju lapanacni tat'atach'anxtami

(maxtucanta ju laca 1 Samuel 21–23)

Ju David sq'uin ju xk'apavat chai ju espada

Ju David acsni ixtatank'anunit'ajun ju ucxtin Saúl quilakts'ilh ju ixpali'an ju israelitanin ju ixjuncan Ahimelec. Chai anch ju sq'uinlich ju xk'apavat ju laich ca'ulh.

Ju Ahimelec lana k'ox talhanalh ni va ix'akstuch ix'anta ju David. Chai sacmilhch tis ixlacatach ju va chunchach ixpu'anta. Ju acsnich ju David junilh lakatam ta'eklhtamat chivinti ixlacata ju anu' asacminti.

Junilh ni va ix'alín lakatam ixlhamak'an ju ucxtin Saúl ju ixpumalakachatach va chunch. Ju acsnich ju Ahimelec junilh ni va yuchach ju ixmak'ata anch ju xk'apavat ju ixtaknican ju Dios. Ju ani xk'apavat anchach ju ixmuc'acan ju lacamixa ju ixyocanta lalalonachaka' junta ixchin ju Dios.

Para ju yuch xk'apavat va yu'unchach ju ixpali'ni'an ju israelitanin ju lai ixta'ui. Pus ju Ahimelec xtaknilh ju David ni laich ca'alac'h'i'anilh ju lapanacni ju ixtat'a'antach. Chai ju chunch va k'extamch ca'alact'a'ucha ju anuch xk'apavat.

Ju David sacmichokopa ju Ahimelec ni jantu camak'a ju anch ju tu'u' espada u mas va lakatamch lanza. Chai ju Ahimelec xtaknilh ju ix'espada ixjunita ju Goliat.

Ju acsnich ju David lac'h'i'alhch ju ani lactaxtokni chai taxtulh ju xalacat'un Israel.

Ju David amak'aixt'ok'a quilhmactam ixtaropajni

Ju acsnich ju David p'ulhnan alh ju lalalakatam lak'achak'an ju juncan Gat. Chai ju anch lak'achak'an lhila'ixt'un'an ixjunita ju filisteonin.

Para ju xalapanacni anch lana va ts'alhti talak'amispa tis chavaich ixjunita ju David. Pus ju acsnich talhanalhch chai pastaclich ni laich camakni ju xa'ucxtin Gat. Chai lhitalacasulhch ni tach ju va ixlak'achapuich.

Pus taxtuchokolh ju David ju xalak'achak'an Gat. Chai alh ju lacalakatam quichucucu talhpa ju juncan Adulam.

Pus acsni tac'atsa ju ixpai, ixnati chai ju ix'alak'avin ni anchach ju ixvilhcha ta'alh t'atak'aixtoknin. Pus na lhu lapanacni ju ixtat'alaxcaji chai ju va ixtalhi'anich ju apumatam. Chai chux ju ixtat'apacxantach atumpa lhamak'an ju ali'in, ta'alh t'atak'aixtoknin ju David. Pus chunchach ju cataputak'aixtoklich ju ca jinta' lakat'at'i cientos (400) lapanacni.

Ju acsnich ju David alaclhi'alh ju ixpai chai ju ixnati ni catat'atolhchalhch ju xa'ucxtin Moab. Pus ju anch laich k'ox lhak'acha catalactolanta ju yu'unch.

Ju acsnich ju ixnajun ixchivinti Dios ju juncan Gad junilh ju David ni cataxtulh ju lacaquichucucu talhpa. Chai anchach ca'alh ju laxalacaq'uivin junta la'ixt'un'an ixjunita ju ix'apapanatni ju Judá.

Pus vatach ixpuxcot'ajunch ju ucxtin Saúl ju David ni va ixmakniputunch. Para lana jantu tavanan lai xalhitajui junta ix'ucxunt'ajun.

Ju acsnich ju ucxtin Saúl vachuch lana k'ox alactalhk'amnilh ju ixlapanacni ni va jantuch ixtajunita ni na k'ox ix'amigo ixt'alanavita ju Jonatán ju David.

Ju ucxtin Saúl alacmakni ju ixpalijni'an ju israelitanin

Ju lacalonachaka' junta tapasatilalh ju David ixvi pumatam lapanac ju amachaka' Edom ixjunita. Ju yuch lapanac lakts'ilh acsni sq'uinlh ju xk'apavat ju David chai ju espada. Pus ju yuch lapanac lana lacjunk'o chux ju ucxtin Saúl ju tuchi ixlakts'intach.

Pus ju acsnich ju ucxtin Saúl lhinaulich ixt'asanica ju ixpali'an ju israelitanin ju ixjuncan Ahimelec. Chai lana k'ox ajk'aima ju acsni ni va ix'aklhtaijutach ju David. Pus ju Ahimelec naulich ni ixnavitach ju chunch ni va ixlapanacch ju ucxtin Saúl ixjunita ju David.

Ju ucxtin Saúl tap'astu lhinaulh ixmaknica ju Ahimelec. Chai vachu' alaclhinonk'o ix'alacmaknica ju xapalijni ju anch lak'achak'an. Vachu' lhinaulh ix'alact'amaknica chux ju

lapanacni ni ists'alh ju Urías ju pacxanta ju Betsabé. Chai jantuch xamati' catic'atsa ju tuchi ixnavitach ju David.

Mas ni chunchach ju junilh ju David, ju Urías jantu alh ju la'ixchaka'. Va laxamalhtich pu'ucxtin xalak'acuja. Pus anchach lak'acujli junta talak'acuja ju ixlapanacni ju ucxtin.

Ju alakatam avilhchan ju David sacmilhch tajuch ni va jantuch xaquilak'acuja ju la'ixchaka'. Chai ju Urías junilh ni jantu k'ox lhiulai ni ca'alh ju la'ixchaka' chai cat'atama ju ix'amachaka' ni tavilananchalhca' ju taropajni israelitanin ju lacalasad. Chai vachu' ju salaka p'aklat ixvi ju lacalakatam lonachaka'.

Ju acsnich ju David junilh ni catamoconchokolh alakatam avilhchan ju xalak'achak'an Jerusalén. Chai k'ailhi'alh lacalakatam lacvaiti ju la'ixchaka' chai lana k'ox makt'ak'ap'a. Ju Urías nin chunch jantu alh ju la'ixchaka' ju acsni atats'is.

Ju alakatam avilhchan vats'isin ju David jantuch ixc'atsai tijuch ju lai canavi. Ju acsnich pastaclich ixmalakachanica lakatam ats'oknut alhiqui ju Joab. Ju laca'alhiqui ixjunich ni anchach camaca'alh ju Urías junta laich camaknicah ju lacalasad. Ju Joab chunchach ju xanavi. Pus ju Urías lacalasadch ju xani.

Ju Betsabé laktsa ju ix'amak'anit ixlacata ju ixpapa ju ixjuncan Urías. Ju acsnich lhinaulich ixt'asanica ju ucxtin David ju Betsabé chai navilhch ix'amachaka'. Pus ju Dios lana lakts'ink'o chux ju tuchi ixnavitach ju ucxtin David. Pus ju acsnich lanach k'ox t'alatalhk'amnilh.

Ju najun ixchivinti Dios ju juncan Natán ajk'aimai ju David

Ju acsnich ju Dios malakachanilh lakatam chivinti la'ixmacni ju ixnajun ixchivinti ju juncan Natán. Pus yuch ju ani chivinti ju junilh ju Natán ju ucxtin David:

—Ju lakatam avilhchan ixt'ajun pumatam mak'alilapanac chai pumatam quilhpatinilapanac. Ju mak'alilapanac lana k'ox lhu ixlac'atapacxat ixpacxanta. Para ju quilhpatinilapanac va lakatam xa'atsi' ixcalhnilu ixpacxanta. Pus lana k'ox ixmapaini. Pus ju chunchach ixlakts'in tach ju va istsich.

'Ju lakatam avilhchan ju mak'ali' quimacuvilachilh pumatam lapanac ju la'ixchaka'. Chai lak'oxinilh ju vaiti ju laich cat'a'ulh. Para ju yuch lana jantu tu'u' ixlhitap'uxa ju ix'alit. Pus jantuch makni lakatam ju ix'atapacxat ju laich

Ju ucxtin David alactu'unun chai ju Dios mac'acxani

(maxtucanta ju laca 2 Samuel 11–12)

Ju David t'atamai ju ix'amachaka' ju Urías

Ju lakatam avilhchan ju David malakacha ju Joab ix'alact'alasaca ju amonitanin. Ju yuch xa'ucxtin ixjunita ju ixtaropajni ju David. Para ju David tamacaulh ju la'ixchaka'.

Ju lakatam tok'oxai acsni ixpixiyalhnat'ajun ju David ju la'ix'aksti' ixpu'ucxtin, lakts'ilh pumatam chako'ulh ju ixt'ajun paxna'. Pus ju chako'ulh lana k'ox c'us ixjunita. Pus ju acsnich lhasacminilhch tis chako'ulhch ixjunita ju yuch. Chai tajunilh ni ix'amachaka' ixjunita ju tichi Urías juncan. Pus ju yuch lapanac ixlhiyu'unch ixjunita ju ixtat'a'anta ju Joab ix'alact'alasaca ju amonitanin. Chai ju anu' chako'ulh Betsabé ixjuncan.

Ju David lana k'ox k'achanilh ju anu' chako'ulh chai lhinaulich ixt'asanica. Pus acsni cha'alh ju chako'ulh ju lacapu'ucxtin t'atamalhch ju David.

Chai acsni jantuch mak'an xajun ju chako'ulh ucsac'atsalhch ni ix'ak'ainantach. Pus maca'anilhch chivinti ju David junta ixmac'atsanich ni ix'ak'ainantach.

Ju David matank'anui ju ix'alactu'unti

Ju David jantu ixlacasq'uin ni xamati' cac'atsa ni va ixt'atamatach ju ix'amachaka' ju Urías. Ixlhiyuchach lhipastaclich tas calayach. Pus malakachanilh ixjunica ju Joab ni ixlacasq'uin ni camilh ju Urías ju xalak'achak'an Jerusalén. Pus yuchach ju calheminilh ju chivinti ixlacata tas tailhi'antach ju lasat.

Chunchach ju pumalakacha ju Joab ju Urías ju xalak'achak'an Jerusalén.

Acsni cha'alh ju Urías ju xalak'achak'an Jerusalén, lana sok'o sacmi ju David tas ixtailhi'antach ju lasat. Chai acsni t'achivink'olhch junilh ni ca'alhch lak'acujnu' ju la'ixchaka' ju acsni atats'is. Pus pastaclich ni cat'atamayach ju Urías ju ix'amachaka' ju acsni atats'is. Ju chunch catac'atsayach ju

ixlac'amachaka'an. Chai vachu' alact'amaknik'ocalh ju ixlac'ask'at'an'an chai ju ixlac'atapacxat'an.

Para putaxtulh pumatam ists'alh ju Ahimelec ju ixjuncan Abiatar. Pus ju yuch alh puxcona' ju David. Chai ju David junilh ni palai k'ox cava ni cat'atamacaulich anch ni va alacmakniputunch ju ucxtin Saúl ju ixt'iyun'an.

Ju David chai ju xalapanacni Keila

Ju acsni avilhchan ju filisteonin tat'alasa ju lakatam ixlak'achak'an'an ju israelitanin ju juncan Keila. Pus ju David alact'alasa ju filisteonin chai alaclhajalh ju lacalasad ju la'ix'aklhtajunti Dios.

Pus ju acsnich ju ucxtin Saúl c'atsalhch ni xalak'achak'an Keila ixvilhcha ju David chai pastaclich tayu laich capu'ana' ch'i'ini' ju anch. Pus ju acsnich ju David sacmilhch ju Dios tijuch ju laich canavi.

Chai ju Dios junilh ni ixt'ajun lak'asitolhna' ju ucxtin Saúl ix'anca ju Keila. Chai junilh vachu' ni catamak'axt'aka' ju xalapanacni Keila ju la'ixmacni ju ucxtin.

Pus ju acsnich ju David alact'ataxtulhch ju ixlapanacni ju xalak'achak'an Keila. Pus va lacatam, lacatam ix'alact'a'ucxunt'ajunch ju ixlapanacni.

Chai acsni xac'atsaich ju ucxtin Saúl ni ixtaxtuchokotach ju David ju xalak'achak'an Keila, mapaxachokolhch ju ix'atalacpast'ac'at. Pus ju acsnich ju David ca jintach lakachaxan cientos (600) lapanacni ju ixtalact'a'uxunt'ajun.

Pus ju ucxtin Saúl tailhi'alh ixpuxcajuca ju David para ju Dios jantu xamoconi ni calhitaju tavanan.

Ju Jonatán t'achivinín ju David

Ju lakatam avilhchan ju Jonatán sek quit'alalaks'tilh ju David chai chinich junilh:

—Jantu at'alhan ji David. Ju quimpai jantu lai tu'u' catinavinin ju amacxcai. Chai cachina' avilhchan acsni uxint'ich ju sast'i ucxtin a'una' ju xalacat'un Israel. Pus ju acsnich ju quit'in xalacat'icst'ich ucxtin acjuna'. Chai ju quimpai vas c'atsai ixlacata ju ani lhamak'an.

Pus ju acsnich ju David chai ju Jonatán talak'elhtasunichokolh ni vatach amigojnich catalanaviya'.

Chai acsni talak'elhtasunik'olhch, ju Jonatán anchokolhch ju la'ixchaka'.

Pus ju acsnich avilhchan ju David va lactalhpach ju ix'alact'atatanak'anut'ajun ju ixlapanacni. Para acsni xatac'atsaich ju vanin ixtavilanalh lapanacni tas anchach ju ixt'ajun, tajunilhch ju ucxtin Saúl ni cata'aklhtaijuyach ixch'apaca ju David.

Para acsni xatac'atsaich ju David chai ju ixlapanacni ni ca'alacch'apacanach pus tataxtulhch ju anch xalacat'un. Para ju ucxtin Saúl chai ju ixtaropajni ta'akch'ak'ok'axmalhch tus acsni vaninch ixtalactaimayoputun.

Ju acsnich chinchalhch pumatam lapanac ju ixlhimitach lakatam chivinti ju ucxtin Saúl. Chai junilh ju ucxtin Saúl ni ixtat'ajun t'alsanin ju israelitanin ju filisteonin.

Pus chunchach ju pumacaulich ix'akch'ak'ok'axmaca ju David chai alhch alact'alsana' ju filisteonin.

Ju David pakt'ui ju jantu makniputun ju ucxtin Saúl

(maxtucanta ju laca 1 Samuel 24–27)

Ju David jantu makniputun ju Saúl mas ni vaninch vi

Acsni alact'alsak'olhch ju ucxtin Saúl ju filisteonin, tai'ulachokopa ix'akch'ak'ok'axmaca ju David. Para p'ulhnan ix'alacjuncanta tas anchach ju ix'ucxunt'ajun ixtatank'anut. Pus lakat'utu milh ixtaropajni alacli'alh ju ucxtin Saúl ixpuxcajuca ju David.

Ju David chai ju ixlapanacni anch ixtatank'anunun tus ixlhilupacni junta ixvi lakatam quiclhucucu talhpa ju anchach xalacat'un. Chai ju ucxtin Saúl anchach vachu' ju quitantilh junta putanucan ju lacaquiclhucucu talhpa.

Ju acsnich ju ixlapanacni ju David tajunilhch ni laich camakni ju ucxtin Saúl. Para ju David jantu naviputulh ju chunch ni xa'ucxtinca' ju xalacat'un Israel ixjunita ju Saúl. Chai vachuch ix'ucxtinca' ixtilhilhcai ju yuch.

Va yuchach ni sitititailajk'alhch ixquilhtuch'uc'up'uxnica lacat'icst'i ju ixmak'atanut ju ucxtin Saúl.

tachapun cajuna'. Pus yuchach ju aquinyoniya' ju quinchaka' junta aclak'ayacana'.

Ju Dios chunchach ju junilh ju Natán chai ju yuchi chunchach ju xajuni ju k'ai ucxtin David. Pus acsni tuncunchokolh ju Natán junk'olhch ju ucxtin David chux ju ani chivinti.

Ju David t'achivinini ju Dios

Pus ju acsnich ju ucxtin David alhch ju lalalonachaka' junta ixvilhchalhch ju salaka p'aklat. Chai anchach ju t'achivinchalhch ju Dios. Pus chinich junilh:

—Pus jantu ijc'atsai tas acpumalacasuninch ju quink'achat ji Dios ju ixlacata chux ju min'aklhtaijunti. Pus ju quinlacpai chai ju quit'in lana jantu tu'u' quintapalhni xacjuntau. Para ju chavai xa'ucxtinch ju xalacat'un Israel icjunita ni uxint'ich ju xaq'uinlhc'a'ulai.

'Pus chux ju ani taxtokni sich uxint'i ju xanavi. Pus ju uxint'i vasalhch lana k'ox k'ai'at ju ixlhilacaputs'un ju lacamunutpa'. Pus va uxint'ich ju Dios'at ju t'a'un ju ani lacat'un chai ju lact'iyen. Chai vachu' lana k'ox lhu ju lack'ai lhamak'an ju navit'a ju quinlacata quijnan ju israelitanin icjuntau. Chai chux ju ani lhamak'an navit'a ni va minlapanacnich icjuntau.

'Pus uxint'ich ju xaquinlamak'elhtaxtuyau acsni xacmamak'alk'ajnicantau ju xalacat'un Egipto. Chai uxint'ich ju xa'alact'amacxt'ui ju cananeonin ju ani lacat'un ju va quinmak'axtaknicach quijnan ni laich actolau ju ani.

'Pus ju chavai ictapaininiyan ni amuct'axt'ut'ich ju tuch'i xaq'uink'elht'asunich. Pus ju chunch laich catalakts'ina' ju lapanacni ni na k'ai ju mintachaput ju laquin'atsucunti. Chai vasch catac'atsaya' ni uxint'ich ju Dios ju iclalak'ayayau ju quijnan ju israelitanin icjuntau.

ixtalak'achoko ju Israel, acsnich ju t'asanilh ju ixnajun ixchivinti Dios ju juncan Natán.

Chai junilh ni vachu' ixyoniputun akatam ixpujitat junta calak'ayacalh ju Dios. Chai vachu' junilh ni jantu k'ox lhiulai ni va lalalonachaka' ju catavi ju salaka p'aklat. Pus ju ucxtin David anchach ixvi ju lacachaka' junta slivasalh na k'ai chai junta slivasalh na c'us ixjunita.

Pus ju acsnich ju Natán lhimapusp'itnilhch ni na k'oxich lhiulai ju chunchach atalacpast'ac'at. Chai vachuch junilh ni vas ixc'atsai ni na k'ox ca'aklhataijuya' ju Dios ixnavica ju yuchi chaka'.

Ju Dios navini lakatam ak'elhtasunti ju David

Para ju acsnich ts'is chinich junilh ju Dios ju Natán:

—Pus ap'inchich junini' ju ucxtin David ni vatach lalalonachakach ju ict'ajun ju quit'in tus acsni tataxtucha ju israelitanin ju xalacat'un Egipto. Chai jantu tavanan xac'asq'uini akatam quinchaka' ju israelitanin. Chai vachu' amap'ast'ac'aniya' ni va ixlhistacna' calhnilu ixjunita acsni tavanan xacsacstui ju yuchi.

'Pus quit'in ju xaclhca'ulai ni ix'ucxtin'an cava ju quinlapanacni ju israelitanin ajuncan. Pus ju quit'in vatach ict'avilhch ju yuchi chai vachu' ic'aklhataiju ix'alact'alalhajaca ju ix'alact'alaxcai. Pus ju chavai vachu' icnaviniputun lakatam ak'elhtasunti.

'Ju quit'in acnaviya' ni lana k'ox k'ai lapanac cava ju ucxtin David. Pus ju yuchi lana k'ox calak'amispacana' ju ixlhilacaputs'un ju lacamunutpa'. Chai ju israelitanin ac'axtakniya' ju ani lacat'un ni anchach ju catatolhk'alhiya' ju ix'apapanatnich'an. Chai ju yu'unch jantu xamati' lai cati'anavinilh ju amacxcai.

'Pus ju ix'apapanatni ju ucxtin David vatach ac'alacalhca'ulayach ju la'ixpu'ucxtin'an ju la'ixmacni ju ist'a'israelitanin. Chai jantuch actimapaxalh ju quin'atalacpast'ac'at ni acnaulh ni jantuch catitatailh'alh ju ixpu'ucxtin'an tachu xacnavich ju ucxtin Saúl.

'Para acsni catanaviya' ju amacxcai ac'alacmamak'alhk'ajniya' tachu navi ju xapai ju ists'alh acsni jantu quicla'ca'i. Chai acsni caniya' ju ucxtin David pumatam ists'alh ju catola' ju la'ixpu'ucxtin chai ju yuchi lana k'ox

Acsni tantink'olhch ju ucxtin Saúl, taxtuchokolhch ju lacaquiclhucucu talhpa. Pus anchokolhch alacatam ixpuxcajuca ju David.

Ju David vachuch taxtulh junta quiclhucucu talhpa chai t'asalaca'anilhch ju ucxtin Saúl. Acsni talak'asp'itchalhch ju ucxtin, ju David tak'entanilh tus lacat'un. Pus ju acsnich malacasunilhch ju ixquilhtuch'uc'up'uxnita ju ixmak'atanut ju ucxtin.

Ju acsni junilhch ni ixtamak'axtaktach ju la'ixmaca' ni laich ixmakni. Para ju yuch jantu naviputulh ju chunch alactu'unti. Chai junilh ni Dios ju lai camalacasuya' tis chavaich ju jantuch naviputun ju istavasalanti.

Acsni xak'esmat'a ju ucxtin Saúl ju tuchi ixjuni ju David lana k'ox amak'aninilh. Pus chinich lhimapusp'itnilh:

—Ju uxint'i na soknic'a ju tuch'i navi ji David. Alaich quit'in ju ic'alact'u'unun ni va icnaviniyanch ju amacxcai. Chai jantu va tsa lakts'incan ni lai camaputaxtuni ju tam lapanac ju



Ju David masuni ju quilhtuch'uc'up'uxnilh ixmakanch'it ju ucxtin Saúl

ixt'alaxcai. Ju Dios na k'ox calhimapalhniyan ixlacata ju chunch lhamak'an.

'Pus ju quit'in ije'atsaich ni uxint'i ju sast'i ucxtin a'una' ju xalacat'un Israel. Chai vachu' ije'atsai ni na tachapun catajuna' ju quint'a'israelitanin'an acsni at'a'ucxt'init'ola'i ju uxint'i. Chai jantu xamati' lai cati'alact'alalhajalh acsni alhinona'i ju uxint'i. Pus icsq'uiniyan lamapainin ni aq'uink'elht'asunin ni vatach k'oxich alakts'ina' ju quints'alan.

Ju acsnich ju David k'elhtasunilh ni k'oxich ca'alakts'ina' ju ists'alan ju ucxtin Saúl. Pus anchokolhch ju la'ixchaka' ju ucxtin Saúl. Para ju David chai ju ixlapanacni alact'amamacaulich junta akts'iya ixtatank'anununch ju lacatalhpan.

Para ni jantuch mak'an xajun nilhch ju ixnajun ixchivinti Dios ju ixjuncan Samuel. Pus na lakalhu avilhchan ju talhamak'aninilh ju ixt'a'israelitanin.

Ju David chai ju Nabal

Ju acsni avilhchan ju David amalakachanilh ju ali'in ixlapanacni ju pumatam lapanac ju ixjuncan Nabal. Ju alaclhimalakacha yuch ni laich ca'axtaknicancha tu'u' ju laich cata'ulh. Pus ju Nabal lana k'ox mak'alilapanac ixjunita ju anch xalacat'un. Chai ju acsnich avilhchan ju yuch va ixt'ajun laclacasitp'uxnu' ju ixlac'apamat ju ixlajcalhnilu.

Pus ju acsnich ju David alacjunilh ju ixlapanacni ni catamapast'ac'ani ju Nabal acsni vanin ixtalact'avilanalh ju ixlhistacnin ixlajcalhnilu. Pus ju yu'unch lana jantu tu'u' ju macxcai ixtalacnavinita ju yu'unch lapanacni nin yuch ju ixlac'atapacxat.

Para ju Nabal va laca'amacxcai chivinti ju alaclhimapusp'itnilh ju ixlapanacni ju David. Pus va chunchach ju talac'anchokolh ni jantuch tu'u' alacxtaknicalh.

Ju acsnich ju David lana k'ox talhk'amalh ni va jantuch ixlhipast'ac'a ju a'aklhaitajunti ixtanavinita ju Nabal. Pus ju ixlapanacni ju David lana k'ox ixtalhistacta ju ixlapanacni ju Nabal. Pus ju acsnich ju David alacjunilh ju ixlapanacni ni catalak'asitavilhch ix'alact'alasaca ju tavilanalh la'ixchaka' ju Nabal.

Ju Nabal ix'alín pumatam ix'amachaka' ju ixjuncan Abigail. Pus ju yuch chako'ulh lana k'ox c'us ixjunita chai lana k'ox ix'ac'atsananta.

Ju David alaclhvapkitsi ju levitanin ju ixlacata ju ixlhich'alheat'an

Chai ju acsnich ju ucxtin David alaclhvapkitsilhch ju levitanin. Pus na quilhmaclhuch alacnavi ni laich catalhistaclh ju salaka p'aklat ju lalalonachaka'. Pus ju ali'in alacjunilh ni va catalac'asanach, ju ali'in va catalacmilhpayach chai ju ali'in va catalhist'ac'a' junta putanucan ju lalalonachaka'.

Pus ju acsnich ju palijni chai ju ali'inch levitanin alacjunilh ni xalacat'un Gabaón ju catatamacaulh. Pus acsni ixvi ju ixpu'ucxtin ju Saúl anchach ju ixtalhitajuyacha ju pujitat ju ixyocantacha acsni ixt'ajun ju Moisés.

Pus ju ucxtin David lana na lhu lasat ju xalasai chai lana alhajanank'o chux ju lalacalclasat. Pus ju acsnich ju la'ixpu'ucxtin na k'oxich ch'alheatnalh chai jantu tu'u' ju xanavi ju jantuch soknic'a cava.

Ju David muctaxtui ju tuchi ixk'elhtasunita ju Jonatán

Chai ju acsnich vachu' pastaclhi ju tuchi ixjunitach ju lijuntu ix'amigo ju ixjuncan Jonatán chai lacak'oxich amapaininti alakts'ilh ju ists'alan. Chai lanach sok'o lhasacminilh ni ixt'ajun xamati' ju ixpapatich cava ju lijuntu ucxtin Saúl.

Pus ju acsnich tajunilhch ni ixt'ajun pumatam lapanac ju va ixch'antak'alhita chai ixjuncan Mefi-bozet. Chai ju yuchi lapanac ists'alh ixjunita ju lijuntu Jonatán. Pus ju acsnich xtaknilhch pulactam ju la'ixchaka' junta laich catavi. Chai ju ali'inch lapanacni ju ixtach'alheatnanitach ju lijuntu ucxtin Saúl alacjunilhch ni catalhich'alheatnanilhch ju ixlacat'un ju Mefi-bozet.

Ju Dios navini lakatam ak'elhtasunti ju David

(maxtucanta ju laca 2 Samuel 7; 1 Crónicas 17)

Ju David yoniputun ju ixpujitat ju Dios

Acsni tai'ula ju ixpu'ucxtin ju David chai acsni ixyonik'ocantach ju lana k'ox k'ai ixchaka' chai acsni ix'alact'alalhajak'ojutach chux ju lak'achak'anixni ju

Para ju acsnich ju Dios lanach va anchi ju makni ni va ixlacach'apatach ju salaka p'aklat. Pus ju ixlacatach ju anich lhamak'an lanach ixchux'an ju talhamak'aninink'o.

Pus ju acsnich ju salaka p'aklat va anchach talhi'alh ju laca'akatam chaka' ju vaninch ixya. Pus va anchach ju tamacaulich ni va jantuch talhicha'amputulh ju xalak'achak'an Jerusalén. Para ju acsnich ju Dios lanach k'ox aklhtaiju ju lapanac ju ix'ulatachalhch ju la'ixchaka' ju salaka p'aklat.

Pus acsni mak'anch xajunchokoi ju ucxtin David navichokopa talakmask'atin ixlhi'anca ju salaka p'aklat ju xalak'achak'an Jerusalén. Pus ju acsnich chunchach ju navi tachi ju ix'alaçjunitachi ju Dios ju israelitanin ni catanavilhch. Pus ju acsnich levitaninch ju ta'akxkokalh ju salaka p'aklat tus acsni talhicha'alhch ju xalak'achak'an Jerusalén. Chai ju ali'inch lapanacni va ixtalaka'at'ini'antach chai ixtalakamilhpalhi'antach ju lacati.

Textakni ju lhak'ailakts'inti ju Dios

Pus acsni talhicha'alhch ju xalak'achak'an Jerusalén ju salaka p'aklat tamanulhch ju lalalonachaka'. Chai ju acsnich na lhuch lac'atapacxat ju talacmakni ju xalhak'ailakts'intich ju va laxxavak'ocan chai ju xalhak'ailakts'intich ju laich lat'a'ucan ixlacatach ju Dios.

Pus ju acsnich ju ucxtin David alact'avenk'olhch ixchuxch'an ju ixtavilanalhch ju lacac'atan. Chai acsni talacvenk'olhch talac'anchokolhch ju la'ixlacchakach'an ju pumatamin.

Ju Mical mamaxani ju ucxtin David

Pus ju acsnich ju Mical lhimamaxanilhch ju ucxtin David ju tuchi ixnavitach acsni cha'alh ju la'ixchaka'. Chai junilhch ni tachi ju va jantuch ix'ac'atsananta ixtasui tachi ju ix'at'ini'antach ju lacati.

Pus ju acsnich ju ucxtin David junilhch ni va ixlak'ayacach ju Dios ju chunchach ixpulata. Pus na va ixlhek'achantach ixlacata chux ju tuchi k'oxich taxtokni ju ixnavita ju Dios ixlacata ju xalacat'un Israel.

Pus ju acsnich ju Dios mamak'alhk'ajnilhch ju Mical ixlacata ju tuchi ixnajuntach. Pus lanach jantu tavanan lai xa'alín ju is'ask'at'a.

Pus ju acsnich ju pumatam ixlapanac ju Nabal junilh ju chako'ulh tas ix'alaclhimapusp'itnitach ju ixlapanacni David ju Nabal. Pus ju chako'ulh pastaclich ni na k'ox cava ni camalakachanilh tu'u' lhak'ailakts'inti ju David.

Ju acsnich na lhu mak'aixtoklh ju vaiti chai lacmac'uc'alhch ju ixlacpurru. Pus lanach sok'o alh t'alalak'apakxtoktaina' ju David.

Acsni t'alalak'apakxtoklich lanach sok'o mak'axtaknilh ju tuchi lhak'ailakts'intich ju ixlhi'antach. Chai junilh ni palai na k'ox cava ni alaich ca'amaklhtayanalh ju lhak'ailakts'inti ju ixlhi'anita. Palai jantu k'ox ni va ca'alact'amakni ju Nabal ju tavilanalh la'ixchaka' ixlacata ju tuchi ix'alaclhik'elhtajitach ju ixlapanacni.

Ju David lakts'ilh ni vasalh na k'ox ju tuchi ixnajun ju Abigail. Pus amaklhtayanalhch ju lhak'ailakts'inti ju ixlhi'anicantach.



Ju Abigail tapainini ju David ni camaklhtailich ju ixlhak'ailakts'inti

Jantuca' ixcha'an lakacauquis avilhchan ju chunch ixtatapasata acsni xani ju Nabal. Ju acsnich ju David machakxalhch ni va ixmamak'alk'ajnitach ju Dios ju Nabal.

Ju acsnich ju David malakachanilh chivinti ju Abigail ni cat'atamak'axtoklich. Ju Abigail na k'oxich lhiula ju chunchach chivinti. Pus t'atamak'axtoklich.

Ju Abigail ixlhipumat'uich ix'amachaka' va ju David acsni ix'ats'alhniita ju ucxtin Saúl. Ju p'ulhnan ix'amachaka' ixpacxanta Mical ixjuncan. Istsi' ixjunita ju ucxtin Saúl. Chai ju yuch chako'ulh apumatamch lapanac ju ixt'amamak'axtokchokota ju ucxtin Saúl.

Ju David jantu maknichokopotun ju Saúl

Ju ucxtin Saúl mapaxachokopa ju ix'atalacpast'ac'at. Aktam pastachokopa ixmaknica ju David.

Ju acsnich mak'aixtoklich lakat'utu milh ixtaropajni chai anchokolh puxcona' ju David.

Pus ju David vachuch alacmalakacha ju atank'ajlakts'inin ni catapuxcaulich tas anchach ju ixtavilanalh ju ixtaropajni ju ucxtin. Chai acsni xac'atsaich ix'akstuch ju David ju t'a'alh pumatam ixlapanac junta ix'alact'avilhch ju ucxtin Saúl ju ixtaropajni.

Ju Dios lana k'ox alacmalhtata ju ixtaropajni ju ucxtin Saúl. Pus lanach jantu xamati' alakts'ilh acsni tavanan tanucha ju David junta ixtalachtatanan ju ucxtin Saúl chai ju ixtaropajni.

Pus ju acsnich ju ixt'a'alhtanach ju David ixmakniputunch ju ucxtin Saúl. Para ju David jantu xamoconi ni camakni. Va yuch ni junilhch ni Dios ju camamak'alk'ajniya' ju ucxtin Saúl.

Ju acsnich va yuchach ju talhi'anilh ju ixmulh ju ixpulhi'an ixxcan ju ucxtin Saúl chai ju ixlanzach. Chai lanach ta'anchokolh ju la'ix'ucxni ju lakatam lacat'icst'i talhpa ju vanin ixvi.

Pus tus anchach ju xek'elalacamilh ju David ju Abner ju ix'ucxtin'an ixjunita ju ixtaropajni ju ucxtin Saúl. Pus va lhimamaxanilhch acsni junilh ni tasq'uini ni palai k'ox calhistaclh ju ix'ucxtin. Ju acsnich ju David vachuch junilh ju Abner ni calakts'ilh ju lanza chai ju xmulh ju ixputajun ixxcan ju ucxtin Saúl ni jantuch ixvi ju anch.

Ju acsnich ju ucxtin Saúl k'elhmispalhch ju ixchivinti ju David chai xek'elalaca'alhch. Para ju David junilh ni jantu k'ox ni va ixtataimat'ajun ju yuch ni laich catamakni. Jantu

Ju David alact'alhi'an ju salaka p'aklat ju ixlapanacni

Chai acsni tapasak'olhch ju lasat, ju ucxtin David pastaclh ixlhi'anca ju salaka p'aklat ju xalak'achak'an Jerusalén. Pus ju acsnich alacmak'aixtoklich ju ixtaropajni chai alacchi'alhch junta xalak'achak'an Quiriat-jearim juncan.

Pus anchach ju ixvilhcha ju salaka p'aklat. Pus ju acsnich ju salaka p'aklat tamokslalhch la'ix'ucxni ju lakatam palhtan chai talhi'alhch ju xalak'achak'an Jerusalén. Chai ju acsnich ixchuxch'an ju talaka'at'ini'alh chai talakamilhpalhi'alh ju salaka p'aklat tus xalak'achak'an Jerusalén.

Chai ju acsnich ju vacaxni ju ixtaxak'amalhi'antach ju palhtan tats'antilalh junta ixta'antach ju lacati. Pus ju acsnich ju ixmilhpa'antach lapanac ju lhila'ixpulacan ju palhtan, sok'och mac'anilh ju salaka p'aklat ni va laich pataju.



Ju David alact'alhi'an ju salaka p'aklat Dios ju levitanin

ucxtin David alacjunilhch ju ixlapanacni ni catalacmaknilhch ju va ixtamaknitach ju Is-boset.

Pus acsni ixnitach ju Is-boset, ju ixlac'apapanatnich ju israelitanin ta'allhch ixchux'an t'atak'aixtoknin ju David. Pus ju acsni ju David xalacat'un Hebrón ixvilhcha chai anchach ju tajunchalhch ni yuchach ju sast'ich xa'ucxtin cajuna' ju xalacat'un Israel.

Para ju acsnich lakatujunch (7) c'ata apaitat ju ixta'ucxtinivi ju xalacat'un Judá chai ju xalacat'un Israel lakap'uxancaut'utu (33) c'ata ju ta'ucxtinitavi.

Pus ju David chai ju israelitanin ixtalacasq'uin ni Jerusalén ju calhinonk'o chux ju xalak'achak'anixni ju Israel. Para tasq'uini ni p'ulhna catalacmaknik'o chux ju jebuceonin ju anchach ixtavilanalh.

Pus ju acsnich lanach k'ox talaclhek'achalh ni laich talact'ilhilh ju ix'alacpulak'achak'axnucanta ju jebuceonin. Pus ju acsnich talhimapacutulhch ixlak'achak'an ju David. Chai ju acsnich tanavik'olhch lak'achak'an ju ixtalak'achoko ju ixpulak'achak'axnucanta ju anu' lacat'un.

Ju Dios na aklhtajui ju David

Pus ju acsnich ju ucxtin David palaich na tachapun ixt'ajun juna' ni na ixt'ajunch aklhtajunu' ju Dios. Chai ju acsnich ju xa'ucxtin ju xalak'achak'an Hiram ju amachak'a' Tiro malakachanilh ju na lhu lajq'uiu ju ucxtin David. Chai vachu' alacmalakacha ju ixlapanacni ni catayonichalhch ju ixpu'ucxtin tachi ju va ixlhak'ailakts'intich ixnavini ju ucxtin David.

Pus ju acsnich c'atsalhch ju David ni vasalhch na ixt'ajun aklhtajunu' ju Dios. Chai ju ucxtin David alinchokolh ali' ixlac'amachaka' ju xalak'achak'an Jerusalén. Chai vachu' na lhu ixlacnavin ju alilh. Chai vachu' na lhu alinchokolh ju ixlacts'alan ju anchach xalacat'un.

Pus ju filisteonin acsni xatac'atsaich ni xa'ucxtinch ju xalacat'un Israel ixjunita ju David, pus ju yu'unch pakt'ui titat'alachokolh ju xalacat'un Israel. Para ju acsnich ju ucxtin David alact'a'alhajanalh ju ixtaropajni ni na va ixt'ajunch aklhtajunu' ju Dios ju xalacat'un Israel.



*Ju David alakcha'alh junta ixtalacclhtatanan
ju ucxtin Saúl chai ju ixtaropajni*

chun catanavi ni jantu tavanan ju ixmakniputun ju David ju ucxtin Saúl.

Ju acsnich ju ucxtin Saúl sq'uinilh amac'acxanti ju David ixlacata ni va ixmakniputunch.

Ju David junilh ni camalakachalhch pumatam ixlapanac ix'ica ju ixlanza. Chai vachu' junilh ni Dios ju calhistacniya' ju ix'atsucunti tach ju ixlhacacnitach ju acsni avilhchan ju ucxtin Saúl.

Ju acsnich ju ucxtin Saúl anchokolhch ju la'ixchaka'. Chai ju David anchokolhch junta ixtavilananchalhch ju ixtaropajni.

Ju David xalak'achak'an Siclag ju t'ajun

Mas ni chunchach ju talalh, ju David jantu lai ixlhilaksi ju ixchivinti ju ucxtin Saúl. Pus ixlhiyuchach ju David xalhi'anchokoich tolhna' ju xalak'achak'an filistea junta juncan Gat.

Ju acsnich ju David alact'alhi'alhch ju ixt'iyun'an ix'amachakan ju ixlapanacni. Chai acsni xae'atsaich ju ucxtin Saúl ni ix'antach ju David ju xalacat'un Gat, mamactalhch ix'akch'ak'ok'axmaca.

Ju David alhch sq'uinini' ju xa'ucxtin Gat ni caxtaknilh lakatam lacat'un junta laich catatavi. Pus ju xa'ucxtin Gat xtaknilh lakatam lacat'icst'i lak'achak'an junta juncan Siclag. Pus ju anch lacat'un tapasalh tam c'ata ju alact'atavi ju ixlapanacni.

Ju acsnich alact'atai'ulalhch ju ixlapanacni ix'alact'alasaca ju lak'achak'anixni ju ix'alact'alaxcaich'an ixtajunita ju israelitanin. Acsni ixtalacmaknik'ojuich ju xalapanacni ju lakatam lak'achak'an, pus ixtalacmactuk'ojuich chux ju lacpumpu' chai ixtalact'alhi'anch ju lac'atapacxat.

Ju David va ix'okxchok'oi ju xa'ucxtin Gat acsni ixjuni ni ixlak'achak'anixni israelitanin ju ix'an alact'alasana'. Chai vachuch junilh ni ix'alact'alasak'ojuich ixchux'an ju va ch'anxtamch ixtalact'ajunita ju israelitanin.

Pus ixlhiyuchach ju xa'ucxtin Gat lhipestaclich ni na ix'alact'alaxcaich'an ixtajunita ju ixt'a'israelitanin ju David.

Ju ucxtin Saúl chai ju ists'alan lacialakatam lasat ju talacni

(maxtucanta ju laca 1 Samuel 28–31; 1 Crónicas 10)

Ju acsnich avilhchan ju filisteonin talacmak'aixtoklich ju ixlactaropajni'an ix'at'alasaca ju israelitanin. Pus ju acsnich ju xa'ucxtin Gat ixlacasq'uin ni va ch'anxtamch ixtat'ava ju David chai ju ixlapanacnich ju xataropajnich filisteonin. Pus chunchach ju ixta'alhch alact'alanin ju xataropajnich israelitanin. Chai ju acsnich ju David naulich ni laich catanavi ju chunchach lhich'alhcat.

Ju Saúl sq'uini a'aklhtajunti ju ixtacuvin ju Samuel

Pus acsni ixtat'ajunch tak'aixtoknin ju filisteonin ix'at'alasaca ju israelitanin, ju ucxtin Saúl vachuch alacmak'aixtoklh ju ixtaropajni. Acsni xa'alakts'inch ni na lhuch ixtajunita ju xataropajni filisteonin lanach k'ox talhanalh.

Ju acsnich sq'uinilhch ju Dios ni camalacasunilhch tijuch ju catapasaya'. Para ju Dios jantuch tu'u' xalhek'elhtaji. Pus jantuch tu'u' xamalacasuni ju la'ilhtatat nin yuch ju lacialacsalaka

Ju Abner t'achivinin ju David

Pus ju acsnich ju Abner alh t'achivini' ju David. Chai k'elhtasunilh ni yuchach ju ca'alacmalaca'iniya' ju palaich na lacpapanin ju ixt'a'israelitanin'an ni va ch'anxtamch catava. Chai ju acsnich ixchuxch'an ju catanaviyach ix'ucxtin'an ju David.

Pus ju acsnich ju David na k'oxich lhiula ju chunchach atalacpast'ac'at. Chai moconilhch ni lhek'achach ca'anchokolh ju la'ixchaka' ju Abner.

Pus acsnich ju tasp'itchochocha ju Joab ni ix'aquit'alasatach ju lacialakatam lak'achak'an. Chai ju acsnich vachuch c'atsa ni na k'oxich ix'amaklhtayananta ju David ju Abner. Chai ni ixmoconitach ni lhek'achach ix'anchokota ju la'ixchaka'.

Ju Joab makni ju Abner

Pus ju acsnich lanach k'ox talhk'amalh ju Joab. Chai jantuch junilh ju David acsni alacmalakacha ju ali'itnich ixlapanacni ni cata'anchokolh t'asaninin ju Abner.

Pus ju acsnich junilhch ni va ixt'achivimputun ju va ix'akstu. Chai acsni va ix'akstuch'an ixtayanalh lanach sok'o makni. Pus chunchach ju navilhch ni va ixmaknitach ju Abner ju Asael ju lacialakatam lasat.

Pus acsni xac'atsaich ju ucxtin David ni va ixmaknitach ju Joab ju Abner lanach k'ox talhk'amalh. Chai ju acsnich alacjunilhch ju ucxtin David ni tachi chun ju ixtatanumanalh ju la'ixchaka' chai vachu' ju Joab ixchuxch'an ju catalhamak'aninilh ju Abner.

Pus ju acsnich ixchuxch'an ju lapanacni ju tac'atsak'o ni jantuch va ixt'alaxcai ixjunita ju David ju Abner. Chai ju yuchi jantu xac'atsai tas xapumaknicanch.

Maknican la'ilhtatat ju Is-boset

Pus acsni xac'atsaich ju Is-boset ni ixnitach ju Abner lanach k'ox talhanalh. Chai acsni jantuch mak'an xajun la'ilhtatatch ju taquimakni ju Is-boset. Pus ju ta'amakninilh yu'unchach ju xalac'ucxtinin ixtaropajni. Chai ju ix'aktsulh talhi'anilhch junta ixvilhchalhch ju ucxtin David.

Pus ju yu'unch ca ixtanajunch ni na calhek'achanach ju ucxtin David ni ixtamaknitach ju ixt'alaxcai. Para ju acsnich ju

Pus ju acsnich ju David anchach ju cha'alh chai ju xalapanacni Judá talacpaxtek'emuc'alh ju aceite. Pus chunchach ju xatapulhca'ulaich ni ix'ucxtinch'an xajun ju ix'apapanatni ju Judá.

Ju Is-boset vachu' talhca'ulai ixpu'ucxtin ju ali'in ist'a'israelitanin

Ju Abner xa'ucxtin ixjunita ju ixtaropajni ju lijuntu ucxtin Saúl. Pus ju yuchi ixt'ajunca' ju acsni avilhchan chai lhi'alh ju Is-boset ju pumatam ists'alh ixjunita ju lijuntu ucxtin Saúl.

Ju Is-boset talhca'ula ix'ucxtin'an chux ju ali'in ist'a'israelitanin. Ju Joab xa'ucxtin ixjunita ju ixtaropajni ju David. Chai ju Abner ix'ucxtin'an ixjunita ju ixtaropajni ju Is-boset.

Pus ju lakatam avilhchan talaclasa ju taropajni chai ta'alhajanalh ju ixtaropajni ju David. Pus ju ixtaropajni ju David ta'akch'ak'ok'axma ju ixtaropajni ju Is-boset tus acsni tats'isilhch. Para acsni ixta'akch'ak'ok'axmana'anta ju ixtaropajni ju David, pus ju Abner makni ju Asael ixlak'au ju Joab.

Pus na mak'an ju ixtat'alasat'ajun ju David ju Is-boset. Para ju David lana tuncujun, tuncujun ju ixt'ajun t'ak'ayana' ni na ixt'ajunch aklhtaijunu' ju Dios.

Ju Is-boset ajk'aimai ju Abner

Pus ju lakatam avilhchan ju Is-boset ajk'aima ju Abner chai chinich junilh:

—Tajuch ni va t'at'amap'alh ju pumatam ixnavin ju quimpai.

Pus ju acsnich ju Abner lana k'ox lhitalhk'amalh chai pastaclich ix'aklhtaijuca ju David. Chai ju acsnich alacmalakachalhch ju ixlapanacni ni catasacmilhch ni lai cat'alacchivinilh lacats'unin ixlacata ju tuchi ixpast'ac'ach.

Pus ju acsnich ju David lhimapusp'itnilhch ni na k'oxich tachi ju ixpast'ac'a. Para va yuchi ni tasq'uini ni p'ulhnan catamak'axtaknichokolh ju ix'amachakach ixjunita ju David ju tichi Mical juncan. Pus ju acsnich ju Is-boset chai ju Abner tamak'axtaknichokolhch ju ix'amachakach ixjunita ju David.

chiux ju ixtapulaslajach. Ju acsnich nin yuch ju lapanac ju ixnajun ixchivinti Dios jantuch xamavasalaniputun tu'u'.

Ju acsnich ju ucxtin Saúl puxcaulich pumatam lapanac ju laich cat'alacchivinilh ju anini'. Pus yuchach ju quisacmi tijuch ju laich canavi.

Para ju acsni c'ata ju ucxtin Saúl ix'akstuch ju ix'alacmaknimak'anta ju amachak'anch xalacat'un Israel ju ixtat'achivinin ju aninin. Pus ju acsnich ju ixlapanacni tajunilhch ni ixtit'ajun pumatam chako'ulh ju ixti'alact'achivinin ju aninin. Chai ju yuch chako'ulh anch ixvi ju xalacat'un Endor.

Ju acsnich ju ucxtin Saúl mapaxalhch ju ixmalakch'inti ni jantuch xamati' camispa, chai alhch lakts'ini' ju anu' chako'ulh.

Pus ju yuch chako'ulh jantuch ix'alacxek'elaputun ju aninin. Va ixtalhonich ju ucxtin Saúl ni va laich ixlhinaulh ixmaknica acsni cac'atsa ni va alact'achivinin ju aninin.

Para ju acsnich ju ucxtin Saúl k'elhtasunilh ni jantu ta catitapasalh chai junilh ni cat'asanilhch ju ixtacuvin ju Samuel.

Acsni xalakts'in ju chako'ulh ju Samuel, c'atsalhch ni ix'akstuch ju ucxtin Saúl ju ixquilakts'inti. Chai ju acsnich ju Samuel sacmilhch ju ucxtin Saúl:

—Tijuch ju jeks q'uinlhimavai.

Ju acsnich ju ucxtin Saúl chinich lhek'elhtailh:

—Pus lanach k'ox lhu ju tuchi ts'inq'ui quinlhamak'an ju icpacxanta ju chavai. Ju filisteonin quintat'ajunch t'alasanin chai ju Dios jantuch quink'elhtaji acsni ict'achivinin. Ju xaclhit'asaniyan yuch ni aq'uin'unch tijuch ju laich acnavi.

Para ju acsnich ju Samuel chinich junilh:

—Jantu tu'u' catilhitapalhnin ju tuchi xaq'uinlhisacmich. Ju Dios jantuch min'amigo junita ju chavai. Ju chavai va mint'alaxcaich junita ni va jantuch q'uiclac'a'it'i acsni xajunan ni amaknik'oya' ixchux'an ju amalecitanin.

'Pus tach ju icjuninch. Ju Dios jantuch catimoconin ni at'ailhip'i ju mimpu'ucxtin. Pus ju lhi filisteoninch ju cata'alhajanana' ju lalacalacat chai ju uxint'i anchach ju alact'aniya'i ju mints'alan.

Pus acsni xak'esmat'a ju ani chivinti ju ucxtin Saúl lana k'ox talhanalh.

Ju filisteonin jantu talacasquuin ni calasa ju David ixlacata'an

Pus ju acsnich ju ixtaropajnich ju filisteonin lak'asi ixtatak'aixtoktach ju ixlacata'an. Para ju ali'in xa'ucxtinin ju filisteonin tajunilh ju xa'ucxtin Gat ni jantuch camoconilh ju David nin ixlapanacni ju laich catalact'a'alh ju lacalacata'an.

Pus ju filisteonin va ixtatalhonich ju David ni va laich mapaxalh ju ix'atalacpast'ac'at acsni paitat ca'alhch ju lasat. Chai ju chunch laich ca'alact'alasa ju yu'unch ix'alac'aklhtaijuca ju ixt'a'israelitanin.

Ju acsnich ju xa'ucxtin Gat tamamalakachanichokolh ju David chai chux ju ixlapanacni ju xalak'achak'an Siclag.

Ju David chai ju amalecitanin

Chai acsni tacha'anchokolh ju Siclag talhitaju ni ixtaquit'alasatach ju amalecitanin ju yuch lak'achak'an. Pus ixtalac'h'i'ank'ojutach chux ju ixlactaxtokni ju David chai chux ju ixlac'anuch'an ju ixtat'a'antach ju lacalacata'an. Chai vachuch ju ixlac'amachakan'an ix'alact'alhi'ank'ocantach ju ixlac'ask'at'an'an. Chai ju lak'achak'an ixpuxavamacantach.

Pus ju acsnich ju David sacmilhch ju Dios ni laich ca'alh alac'akch'ak'ok'axmana' ju ak'alhonin. Chai ju Dios junilh ni laich ca'alh alactaimayona'. Pus ju acsnich alact'a'alhch ju ixlapanacni tus ni alactaimayochalhch.

Pus acsni talactaimayochalhch talacmaknik'olhch ixchux'an ju amalecitanin. Chai ju acsnich talactai'inichokolhch ju ixlac'amachakanch'an chai ju ixlac'ask'at'anch'an. Chai vachu' talactai'ik'ochokolh ju ixlac'atapacxat'an.

Vachu' na lhu atumpa lactaxtokni chai lac'atapacxat ju talactai'inilh ju amalecitanin. Chai ju yuch lactaxtokni alacmaca'anilh lacats'unin ju xalac'ucxtinin ju ixlac'apapanatnich ju Judá. Pus ju David vachu' ixhipapanti ixjunita ju Judá.

Ju ucxtin Saúl ni ju lacalacata'an

Pus acsni ixtat'amalakachachokotach ju ixlapanacni ju David, ju filisteonin acsnich ju tat'alasa ju israelitanin. Chai ju acsnich ta'alhajanalh ju filisteonin. Pus na lhu israelitanin ju talacmaknimak'alh.

Vachu' tat'a'akch'ak'ok'axma ju ucxtin Saúl ju ists'alan. Chai vachuch talacmakni junta talaclhitajuchalhch.

Pus chunchach ju xapunich ju ucxtin Saúl ju va ixpumamak'alhk'ajnicanch ni va jantuch ixquicla'ita ju Dios. Chai ni vachuch va ixquilakts'inta ju chako'ulh ju alact'achivinich ju aninin.

Ju David ixlhipumat'uich ucxtin lhca'ulacanta ju ix'ucxtinch'an cajuna' ju ixt'a'israelitaninch

(maxtucanta ju laca 2 Samuel 1–6; 8–10; 1 Crónicas 11–16; 18–20; 26:29–27:34)

Pus acsni ixtamaknitach ju ucxtin Saúl ju filisteonin alh pumatam ixlhi'ana' chivinti ju xalak'achak'an Siclag. Chai junilh ju David ju tuchi ixtapasatach ju lacalacata'an.

Pus acsni xac'atsaich ju David ni ixtanitach ju ucxtin Saúl chai ju ists'alh ju ixjuncan Jonatán lana k'ox amak'aninilh. Chai ju acsnich alaclak'oxinilh lakatam milhpat ixlacatach'an ju yu'unch.

Pus ju Jonatán lana k'ox ix'amigo ixjunita ju David chai ju Saúl yuchach ju p'ulhnan xa'ucxtin ixjunita ju xalacat'un Israel.

Ju David talhca'ulai ixpu'ucxtin ju xalacat'un Judá

Pus ju acsnich ju Dios junilh ju David ni ca'anchokolh ju xalacat'un Hebrón. Chai ju yuchi lacat'un anch ixma junta lhila'ixt'un'an ixjunita ju ix'apapanatni ju Judá.



Ju Pali lacpaxtek'emuc'ai aceite ju David